

春
秋
復
始

春秋復始卷三十二

比例類

吳興崔道

喪禮

○隱公元年。天王使宰咺來歸惠公仲子之賵。傳首許還國。賵隱公車。賵者何。喪事有賵。賵者。蓋以馬。以乘馬束帛。下傳同上。

解詁曰。此道周制也。以馬者。謂士不備四也。禮既夕曰。公賵玄纁束帛兩馬。是也。乘馬者。謂大夫以上備四也。禮大夫以上至天子。皆乘四馬。所以通四方也。天子馬曰龍。高八尺以上。諸侯曰馬。高六尺以上。卿大夫士曰駒。高五尺以上。束帛。謂玄三纁二。玄三法天。纁二法地。因取足以共事。○疏曰。注此道周制也。解云。正以上云以馬。與士既夕禮同。下言乘馬。與士異。明知周之禮。大夫以上皆有四馬矣。注以馬至四也。解云。以下言乘馬。明上文直言以馬者。士禮兩馬可知。故即引禮為證矣。注禮大夫至方也。解云。案異義古毛詩說云。天子至大夫同駕四。皆有四方之事。士駕二也。詩云。四騶彭彭。武王所乘。龍旂承祀。六轡耳耳。箋云。四馬。故六轡。魯

傳所乘。四牡駢駢。周道倭遲。大夫所乘。書傳云。士乘飾車兩馬。庶人單馬木車。是也。問曰。若然。異義公羊說引易經云。時乘六龍以御天下也。知天子駕六。與此異。何答曰。彼謹案亦從公羊說。即引王度記云。天子駕六龍。諸侯與卿駕四。大夫駕三以合之。鄭駁云。易經時乘六龍者。謂陰陽六爻上下耳。豈故爲禮制。王度記。今天子駕六者。自是漢去。與古異。大夫駕三者。於經無以言之者是也。然則彼公羊說者。自是章句家意。不與何氏合。何氏此處。不依漢禮者。蓋時有損益也。注天子至以上。解云。月令。天子駕倉龍。是其高七尺者。漢制也。其六尺五尺亦然。注諸侯曰至以上。解云。魯頌曰。魯侯戾止。其馬蹻蹻。是也。注卿大夫至以上。解云。詩云。皎皎白駒。食我場苗。是也。注束帛至纁二。解云。雜記上云。魯人之贈。三玄二纁。是也。注玄三至共事。解云。天數不但三。地數不但二。而取三二者。因取足以共事故也。車馬曰贈。貨財曰贈。衣被曰襚。

解詁曰。此者春秋制也。贈猶覆也。贈猶助也。皆助生送死之禮。襚猶遺也。遺是助死之禮。知生者贈。贈知死者贈。襚。

校勘記曰。諸本同。誤也。穀梁疏引此作知死者贈。當據以訂正。疏云。何氏注。知生知死者言贈矣。可證。

○疏曰。注此者春秋制也。解云。上陳周制。下乃言贈賻。此三者是春秋之內事。故云此者春秋制也。注知生至贈。問曰。案既夕禮云。知死者贈。知生者賻。校勘。今儀禮同。據此疏下文。似禮經本作知生者賻。未詳。鄭注云。各主於所知。以此言之。賻專施于生者何。答曰。賻

專施于生。賻專施于死。賻實生死兩施。故何氏注知生知死。皆言賻矣。而既夕禮專言知生者。對贈言之故也。案此文似何注作知生者賻。知死者贈。阮校是也。禮經作並錄之。以俟知者。問曰。何知賻生死兩施乎。答曰。案既夕禮云。兄弟賻莫可也。注云。兄弟

有服親者。可且賻且莫。許其厚也。賻莫於死生兩施。又云。所知則賻而不莫。鄭注云。所知。通問相知也。降於兄弟。莫施於死者為多。故不莫。以此言之。明賻與莫皆生死兩施也。言莫於死者為多。故知賻生死等矣。

○文公五年。王使榮叔歸含且賻。含者何。口實也。下傳詳。來賻章。

解詁曰。孝子所以實親口也。緣生以事死。不忍虛其口。天子以珠。諸侯以玉。大夫以璧。士以貝。春秋之制也。文家加飯以稻米。○疏曰。注天子至貝者。皆春秋說文。故云春秋之制也。注文家加飯以稻米。解云。即禮記檀弓下篇云。飯用米具。弗忍

虛也。

右贈賻祔含

○定公元年夏六月癸亥。公之喪至自乾侯。戊辰。公即位。癸亥。公之喪至自乾侯。則曷爲以戊辰之日然後卽位。正棺於兩楹之間。然後卽位。

解詁曰。正棺。象既小斂。夷於堂。昭公死於外。不得以君臣禮治其喪。故示盡始死

之禮。禮始死于北牖下。

校勘記曰。宋本。國。豎宅本。牖作。牖。疏同。案。釋文作北牖。云。昔容。本又作牖。鄭注禮記北牖下云。或爲北牖。蓋何注本作北牖。卽鄭所

云。或本。是也。今公羊注作北牖。則後人從禮記改竊。

浴於中。飯含於牖下。小斂於戶內。夷於兩楹之間。大斂

於阼階。殯於西階之上。祖于庭。葬于墓。奪孝子之恩。動以遠也。禮。天子五日小斂。

七日大斂。諸侯三日小斂。五日大斂。卿大夫二日小斂。三日大斂。夷而經。殯而成

服。故戊辰。然後卽位。凡喪三日。授子杖。五日。授大夫杖。七日。授士杖。童子婦人不

杖。不能病故也。○疏曰。喪大記云。小斂。主人卽位于戶內。主婦東面。乃斂。卒斂。主

人馮之踊。主婦亦如之。徹帷。男女奉夷于堂。降拜。鄭注。夷之言尸也。主人主婦以

下。從而率之。孝敬之心。降拜。拜賓也。是也。云。故示盡始死之禮者。示字亦有作不

字者。誤也。云禮始死于北牖下者。卽喪大記疾病東首於北牖下是也。云浴於中
霤云云者。卽坊記云子云賓禮每進以讓喪禮每加以遠浴於中霤飯於牖下小
斂於戶內大斂於阼殯於客位祖於庭葬於墓所以示遠也是也。而言夷于兩楹
之間者。卽此傳云正棺于兩楹之間是也。云奪孝子之恩動以遠也者。何氏以意
言之也。言此者。欲陳始死禮云天子五日云云者。何氏差約古禮而言之。欲道始
死之禮。五日大斂而殯。殯訖成服。今欲示始死之禮。故云公之喪。癸亥日至。于
丁卯殯而成服。戊辰之日。乃卽位矣。云凡喪三日云云者。卽喪服四制云杖者何
也。爵也。彼疏云。爵也者。杖之所設。本爲扶病。而以爵者。有德也。其思必深。其病必重。故杖爲爵者而設。故云爵也。三日授子杖。五日授大夫
杖。七日授士杖。彼疏云。上云杖者。爵也。遂展叙其有爵之人。故云。或曰。擯主。彼疏云。解無爵而亦杖。故記者稱或曰擯主。喪服傳云。杖者何。爵也。無爵而杖者何。擯主也。鄭注云。或曰。輔病。彼疏云。喪服傳云。非主而杖者何。輔病也。謂婦人童子不能病也。是也。鄭注喪大記云。三日者死之後三日也。爲君杖不同日。人君禮大。可以見親疏也。引之者。欲道喪入五日。嗣子大夫授杖已訖。可以卽位。正其臣矣。

子沈子曰。定君乎國。

解詁曰。定昭公之喪禮於國。

然後即位。即位不日。此何以日。錄乎內也。

解詁曰。內事詳錄者。得五日變禮。或說危不得以踰年即位。故曰。主書者。重五始也。案卷一節目疏曰。文證例云。五○疏曰。書日所以得變禮者。癸亥之日。公喪乃至。戊辰之日。然後君即位。象五日殯訖。即位之禮。故錄日以明之。言其殯而合禮矣。

右正棺

○文公二年春王二月丁丑。作僖公主。作僖公主者何。爲僖公作主也。

解詁曰。爲僖公廟作主也。主狀正方。穿中央達四方。天子長尺二寸。諸侯長一尺。

○疏曰。皆孝經說文也。卿大夫以下正禮無主。故不言之。云云之說。備在左氏。

主者曷用。虞主用桑。

解詁曰。禮平明而葬。日中而反虞。以陽求陰。謂之虞者。親喪已入壙。皇皇無所見。求而虞事之。虞猶安也。用桑者。桑猶喪也。取其名與其義類。所以副孝子之心。禮

練主用栗。

虞祭。天子九。諸侯七。卿大夫五。士三。其奠處猶吉祭。○疏曰。注禮平主反虞。解云。出檀弓與士虞記也。言以陽求陰者。謂以日中求神是也。而鄭注士虞記云。朝葬日中而虞。君子舉事必用辰正也者。彼疏云。辰正者。謂朝夕日中也。以朝葬有事。故至日中而行虞事也。兩相須也。彼鄭氏又云。再虞三虞皆質明。則日中而反虞者。指葬日言之。注禮虞至吉祭。解云。自諸侯七以下。雜記文。其天子九虞者。何氏差之耳。

解詁曰。謂期年練祭也。埋虞主於兩階之間。易用栗也。夏后氏以松。殷人以柏。周人以栗。松猶容也。想見其容貌而事之。主人正之意也。柏猶迫也。親而不遠。主地正之意也。栗猶戰栗。謹敬貌。主天正之意也。禮士虞記曰。桑主不文。吉主皆刻而諡之。蓋為禘祫時別昭穆也。虞主三代同者。用意尚蟲。猶未暇別也。○疏曰。注謂期至栗也。解云。出禮記文。注夏后至以栗。解云。出論語也。而鄭氏注云。謂社主。正以古文論語。哀公問社於宰我故也。校勘記曰。明堂云。社下說主非。古論語作問社。傳論語作問主。今文論語無社字。是以何氏以為廟主耳。

用栗者。藏主也。

解詁曰。藏于廟室中。當奉事也。

校勘記曰。國監本同。毛本上當作堂。宜據正。儀禮經傳通解。上為作常。郭本下當作常。皆誤。按當作藏於

廟中堂。所當奉事也。質家藏於室。蓋各本有誤。俟再致。

質家藏于堂。

校勘記曰。國監毛本同。誤也。郭本于作於。儀禮經傳通解堂作室。宜據以訂正。文家尊尊。故藏

作僖公主何以書。

解詁曰。据作餘公主。不書。

議。何譏爾。不時也。其不時奈何。欲久喪而後不能也。

解詁曰。禮作練主。當以十三月。文公亂聖人制。欲服喪三十六月。十九月作練主。

又不能竟。故以二十五月也。日者。重失禮鬼神。○疏曰。注禮作至三月。解云。即禮

記云。十三月而練。是也。注日者。至鬼神。解云。即隱五年注云。失禮鬼神例日。是也。

案服喪二十五月。當於十三月作練主。文公初欲服喪三十六月。當於十九月

作練主。僖公薨於三十三年十二月。至文公元年十二月。為十三月。文公不作

練主。是欲久喪也。至此十五月乃作之。是不能俟至十九月。即服喪不能俟至

三十六月也。故注云然。

右作主

○宣公元年夏。晉放其大夫胥甲父子衛。傳首詳放其大夫章。古者臣有大喪。則君三年不呼其門。

解詁曰。重奪孝子之恩也。禮。父母之喪。三年不從政。齊衰大功之喪。三月不從政。故孔子曰。夏后氏三年之喪。既殯而致事。殷人既葬而致事。周人卒哭而致事。君子不奪人之親。亦不可奪親也。○疏曰。禮。父至不從政。解云。禮記王制文也。注故孔子至卒哭而致事。解云。曾子問文。鄭云。致事者。還其職位於君。是也。彼疏曰。皇氏尚實。孝子喪親恍惚。若事不敢久留。故既殯。致事還君。殷人漸文。思親彌深。故既葬畢。始致事還君。周人漸文。然哀至甚。故卒哭而致事。知周卒哭致事者。以喪之大。事有三。殯也。葬也。卒哭也。夏既殯。殷既葬。後代漸遠。以此推之。故知周卒哭也。注君子至親也。解云。亦曾子問文。鄭云。二者恕也。孝也者是。

已練可以弁冕。

解詁曰。此謂時衰政失。非謂禮當然。弁。禮所謂皮弁爵弁也。皮弁。武冠。爵弁。文冠。

夏曰收。殷曰畀。周曰弁。加疏曰冕。主所以入宗廟。○疏曰。即郊特牲云。周弁殷畀。夏收是也。

服金革之事。

解詁曰。謂以兵事使之。

君使之。非也。

解詁曰。非古道也。

臣行之禮也。

解詁曰。臣順君命。亦禮也。

閔子。

解詁曰。閔子以孝聞。

要經而服事。

解詁曰。禮已練。男子除乎首。婦人除乎帶。○疏曰。閒傳文。

既而曰。若此乎。古之道不即人心。

解詁曰。既事畢。言古者不敢斥君。卽近也。

退而致仕。

解詁曰。退。退身也。致仕。還祿位于君。

孔子蓋善之也。

解詁曰。善其服事。外得事君之義。致仕。內不失親親之恩。言古者又孫順不訕其君也。不言君子者。時賢者多以爲非。唯孔子以爲是。○疏曰。孔子蓋善之也者。蓋猶是也。言於此三事。孔子皆善之。其三事者。初則要絰而服事。次則謂君爲古者。後則退而致事。是也。

○八年夏六月。六子遂如齊。至黃乃復。其言至黃乃復何。有疾也。何言乎有疾乃復。譏

何譏爾。大夫以君命出。聞喪。徐行而不反。

下傳詳所聞世大夫卒無罪者曰有罪者不日事。

解詁曰。聞喪者。聞父母之喪。徐行者。不忍疾行。又爲君當使人追代之。以喪喻疾者。喪尙不當反。況於疾乎。順經文而重責之言。乃不言有疾者。有疾猶不得反也。

○昭公十有五年二月癸酉。有事于武宮。衛人叔弓卒。去樂卒事。其言去樂卒事何。禮

春秋復始

卷三十一

也。君有事于廟。聞大夫之喪。去樂。

解詁曰。恩痛不忍舉。

卒事。

解詁曰。舉其祭事。

大夫聞君之喪。攝主而往。

解詁曰。主謂已主祭者。臣聞君之喪。義不可以不即行。故使兄弟若宗人攝行主事而往。不廢祭者。古禮也。古有分土。無分民。大夫不世。已父未必爲今君臣也。孝經曰。資于事父以事君而敬同。○疏曰。云古有分土無分民。知如此者。正以詩云。誓將去汝。適彼樂土。論語云。四方之民。襁負其子而至矣。之言故也。云大夫不世者。謂凡平大夫也。不得以有功德大夫難之。

大夫聞大夫之喪。尸事畢而往。

解詁曰。賓尸事畢而往也。日者。爲卒日。○疏曰。正以禮。大夫祭。謂之賓尸故也。云日者爲卒日者。正以春秋之義。失禮鬼神例日。今非失禮。知日爲卒。

右喪禮總

祭禮上

○傳公三十有一年夏四月。四卜郊。不從。乃免牲。猶三望。曷爲或言三卜。或言四卜。三卜禮也。四卜非禮也。三卜何以禮。四卜何以非禮。

解詁曰。據俱卜也。○疏曰。曷爲或三卜。解云。卽襄七年夏四月三卜郊。不從。乃免牲。是也。三卜禮也。解云。案曲禮上蕭云。卜筮不過三。是其舊典之遺存。鄭立云。求吉不過三。魯四卜郊。春秋讀之。是也。三卜禮。謂是魯禮。若天子之郊則不卜。以其常事。但以魯郊非常。是以卜之。吉則爲之。凶則已之。

求吉之道三。

解詁曰。三卜。吉凶必有相奇者。可以決疑。故求吉必三卜。○疏曰。三卜是禮。理應不書。襄七年。三卜郊。何以書。正以魯人之郊。博卜三正。襄七年乃在周之四月。以其不時。是以書也。

禘嘗不卜。郊何以卜。

解詁曰。禘比祫爲大。嘗比四時祭爲大。故據之。○疏曰。禘嘗不卜。解云。卽傳八年秋七月。禘于太廟。桓十四年八月乙亥。嘗之類。皆不見卜筮之文。故言此。注禘比祫爲大。解云。禘之與祫。雖皆大祭。但禘及功臣於祫則否。故以禘爲大。是以文二年。大事于大廟。傳云。五年而再殷祭。彼注云。謂三年祫。五年禘。禘所以異於祫者。功臣皆祭也。祫猶合也。禘猶諦也。審諦無所遺失。盤庚曰。茲予大享于先王。爾祖其從與享之。義亦通于此也。注嘗比四時祭爲大。解云。以此傳配禘。禘既大於祫。則知嘗大于四時。且嘗是秋成。萬物薦馨。故以爲盛也。

卜郊非禮也。

解詁曰。禮。天子不卜郊。○疏曰。欲道天子之郊。以其常事。故不須卜。魯郊非禮。是以卜之。異於禘嘗。

卜郊何以非禮。

解詁曰。據上言三卜禮。○疏曰。弟子之意。以爲上言三卜是禮。何言卜郊非禮乎。答者以爲由魯郊非正。故須卜。何妨天子之郊不卜乎。

魯郊。非禮也。

解詁曰。以魯郊非禮。故卜爾。昔武王既沒。成王幼少。周公居攝。行天子事。制禮作樂。致大平。有王功。周公薨。成王以王禮葬之。命魯使郊。以彰周公之德。非正。故卜三卜吉則用之。不吉則免牲。謂之郊者。天人相與交接之意也。不言郊天者。謙不敢斥尊。○疏曰。注謂之郊至意也。解云。何氏以爲郊特牲云。於郊。故謂之郊。禮記非正典。故不從之。注不言至斥尊。解云。欲道禘于大廟。于莊公武宮之屬。皆斥尊言之。若然。乙亥嘗。己卯烝之屬。文不斥言者。以是時祭于大廟。小於禘故也。

魯郊何以非禮。

解詁曰。据成公乃不郊。惡之。

天子祭天。

解詁曰。郊者。所以祭天也。天子所祭。莫重於郊。於南郊者。就陽位也。壺席立酒。器用陶匏。大珪不瑑。大羹不和。爲天至尊。物不可悉備。故推質以事之。

諸侯祭土。

解詁曰。土。謂社也。諸侯所祭。莫重於社。卿大夫祭五祀。士祭其先祖。

天子有方望之事。

解詁曰。方望。謂郊時所望祭四方羣神。日月星辰。風伯。雨師。五嶽。四瀆。及餘山川。凡三十六所。○疏曰。舊說云。四方羣神。是爲四也。通日與月爲六。星是五星。爲十一也。辰是十二辰。爲二十三。風伯雨師爲二十五。五嶽爲三十。四瀆爲三十四。餘小山川爲二。是爲三十六所。

無所不通。諸侯山川有不在其封內者。則不祭也。

解詁曰。故魯郊非禮也。

曷爲或言免牲。或言免牛。成七年免牲。禮也。

解詁曰。魯卜郊不吉。免之。禮。卜郊不吉。則爲牲作玄衣纁裳。使有司玄端。放之於南郊。明本爲天。不敢留天牲。

免牛。非禮也。免牛何以非禮。傷者曰牛。

解詁曰。養牲不謹敬。有災傷。天不饗用。不得復爲天牲。故以本牛名之。非禮者。非

天牲。不當復見。但當內自省責而已。

三望者何。望祭也。然則曷祭。祭泰山河海。

解詁曰。據郊者。主爲祭天。

山川有能潤于百里者。天子秩而祭之。

解詁曰。此皆助天宣氣布功。故祭天及之。秩者。隨其大小尊卑高下所宜。禮祭天牲。角。麋。栗。社稷宗廟角握。六宗五嶽四瀆。角尺。其餘山川。視卿大夫。天燎。地瘞。日月星辰布。山縣。水沈。風磔。雨升。燎者。取俎上七體。與其珪寶在辨中。置於柴上。燒之。○疏曰。注禮祭天至大夫。解云。皆王制與禮說文耳。其餘山川視卿大夫者。小山川之屬。但牽牛而已。注天燎至雨升。解云。爾雅祭天曰燔柴者。蓋以燎柴而燔之。故謂祭爲燔柴。云地瘞者。即爾雅云。祭地曰瘞埋。李巡曰。祭地以玉埋地中。瘞亦埋也。云日月星辰布者。即爾雅云。祭星曰布。孫氏云。既祭布散於地。位似星辰布列。郭氏曰。布散祭於地。然則爾雅雖不言日月。日月之義。宜附於星。故何氏連日月言之。云山縣者。爾雅云。祭山曰瘞縣。郭氏云。或廢或縣。置之於山。李氏曰。祭

山。以黃玉及璧。以殿置几上。遙遙而眠之。若縣。故曰殿縣。孫氏曰。殿縣。埋於山足。曰殿。埋於山上曰縣。是也。云水沈者。卽爾雅。祭川曰浮沈。孫氏曰。置祭於水中。或浮或沈。故曰浮沈。是也。言風磔者。卽爾雅云。祭風曰磔。孫氏云。既祭。披磔其牲。以風散之。李氏曰。祭風。以牲頭蹄及皮破之以祭。故曰磔。郭氏曰。今俗當大道中。磔狗。云以止風。此其象。雨升者。無文。何氏更有所見。蓋患其雨多。祭使上升。故祭雨曰升。明上水沈是祭川也。注燎者。取至燒之。解云。其七體者。卽少牢之肩臂臠膊。胙。正脊。脰脊。橫脊。短脊。正脊。代脊之屬也。

觸石而出。膚寸而合。

解詁曰。側手爲膚。案指爲寸。言其觸石理而出。無有膚寸而不合。

不崇朝而徧雨乎天下者。唯泰山爾。

解詁曰。崇。重也。不崇朝。言一朝也。

河海潤于千里。

解詁曰。亦能通氣致雨。潤澤及于千里。韓詩傳曰。湯時大旱。使人禱于山川。是也。

郊望非一。獨祭三者。魯郊非禮。故獨祭其大者。

猶者何。通可以已也。何以書。譏不郊而望祭也。

解詁曰。譏尊者不食。而卑者獨食。書者。惡失禮也。魯至是郊者。傳公賢君。欲尊明其先祖之功德。不就廢之。譏者。春秋不見事不書。皆從事舉可知也。不吉言不從者。明已意汲汲欲郊。而卜不從衛。所以見事鬼神當加精誠。

○宣公三年春王正月。郊牛之口傷。改卜牛。牛死。乃不郊。猶三望。其言之何。

解詁曰。据食角不言之。○疏曰。即成七年春王正月。鼯鼠食郊牛角。改卜牛。鼯鼠又食其角。乃免牛。是也。

緩也。

解詁曰。辭間容之。故爲緩。不若食角急也。別天牲。主以角。書者。譏宣公養牲不謹。敬不潔清而災。重事至尊。故詳錄其簡甚。○疏曰。注別天牲主以角。解云。即王制云。祭天地之牛角醢。宗廟之牛角握。賓客之牛角尺是。注重事至尊甚。解云。正謂言之是也。何者。之爲緩辭。故以簡慢之甚言矣。言簡者。欲取五行傳云。簡宗廟。

之言耳。

曷爲不復卜。

解詁曰。据定十五年。牛死。改卜牛。

養牲養二卜。帝牲不吉。

注詳前何篇。

則扳稷牲而卜之。

解詁曰。先卜帝牲養之。有災。更引稷牲卜之。以爲天牲。養之。凡當二卜。復不吉。不復郊。○疏曰。注更至天牲。解云。即定十五年。牛死。改卜牛者。正謂此。

帝牲在于滌三月。

解詁曰。滌。宮名。養帝牲三牢之處也。謂之滌者。取其蕩滌潔清。三牢者。各主一月。取三月一時。足以充其天牲。○疏曰。其三牢之文。出春秋說文。

於稷者唯具是視。

解詁曰。視其牲體具。無災害而已。不特養于滌宮。所以降稷尊帝。

郊則曷爲必祭稷。

解詁曰。据郊者。主爲祭天。

王者必以其祖配。

解詁曰。祖。謂后稷。周之始祖。姜嫄履大人迹所生。配配食也。○疏曰。注姜嫄至所生。解云。即詩云。履帝武敏歆。文。周本紀云。有邠氏女曰姜嫄。爲帝嚳元妃。出野。見巨人迹。心忻然說。欲踐之。踐之。身動如孕者。居期而生子。以爲不詳。棄之隘巷。或棄山林寒水之上云云。姜嫄以爲神。遂收養長之。初欲棄之。因名曰棄。是也。

案此即孝經所謂郊祀后稷以配天。禮記喪服小記所謂王者禘其祖之所自出。以其祖配之。注云。禘。大祭也。始祖感天神靈而出。祭天則以祖配之。自外至者無主不止。彼注即引此傳。詳下以證祖之所自出爲天帝。小記又云。禮不王不禘。注云。禘。謂祭天是也。大傳文同。而小記大傳所云禮不王不禘。即可爲春秋魯郊非禮。傳三十一之證。特南郊之祭。亦名爲禘。與宗廟之禘。同名異義。說詳愚所撰郊禘通釋。王肅故與鄭君立異。妄詁禘其祖之所自出之禘。爲宗廟之禘。謂虞氏之祖。出自黃帝。以祖顓頊配黃帝而祭。故云。以其祖配之。案如肅言。黃帝亦虞氏之祖也。何不不可稱祖。而經必變文曰祖之所自出乎。爲人後者於

其父母。尙不避父母之稱。而於祖之祖。乃避祖之稱乎。吾聞諸侯不敢祖天子矣。未聞天子不敢祖祖之祖也。漢書王莽傳。以舜爲始祖。又以黃帝爲初祖。滅以祖之祖。孫亦得而祖之也。然則以祖之所自出。爲祖之祖。於義無徵。且記云。禘其祖之所自出。以其祖配之。孝經云。郊祀后稷以配天。此云。郊則曷爲必祭稷。王者必以其祖配。參而據之。肅言豈可相通哉。

王者則曷爲必以其祖配。

解詁曰。據方父事天。

自內出者無匹不行。

解詁曰。匹。合也。無所與會合則不行。

自外至者無主不止。

解詁曰。必得主人乃上者。天道闇昧。故推人道以接之。不以文王配者。重本尊始之義也。故孝經曰。郊祀后稷以配天。宗祀文王於明堂以配上帝。中詳後何篇。書改卜者。善其應變得禮也。

○成公七年春王正月。鼯鼠食郊牛角。改卜牛。鼯鼠又食其角。乃免牛。注詳災異篇。夏五月。不郊。猶三望。○十年夏四月。五卜郊不從。乃不郊。其言乃不郊何。

解詁曰。据上不郊。不言乃。傳公不從。言免牲也。○疏曰。注据上不郊。不言乃。解云。即上七年夏。不郊。猶三望。是也。注傳公不從。言免牲。解云。傳三十一年夏。四卜郊。不從。乃免牲。猶三望。是也。

不免牲。故言乃不郊也。

解詁曰。不免牲。當坐盜天牲。失事天之道。故諱使若重難不得郊。

○十有七年九月辛丑。用郊。用者何。用者。不宜用也。九月非所用郊也。

解詁曰。周之九月。夏之七月。天氣上升。地氣下降。又非郊時。故加用之。

然則郊曷用。郊用正月上辛。

案郊用正月上辛者。周制也。郊特牲曰。郊之用辛也。周之始郊。日以至。注云。言日以周郊天之月而至。陽氣新用事。順之而用辛日。孔疏以爲董仲舒劉向之說。然則西漢經師。無三王之郊。一用夏正之說也。注又云。此說非也。郊天之

月而日至。魯禮也。三王之郊。一用夏正。魯以無冬至祭天於圓丘之事。是以建子之月郊夫。示先有事也。周衰禮廢。儒者見周禮盡在魯。因推魯禮以言周事。案郊用夏正二句。出易緯乾鑿度。非經義也。郊特牲下文三稱王。皆與周字相應。曰卜之日。王立于澤。親聽誓命。曰祭之日。王皮弁以聽祭報。注云報猶白也。夙興朝服。以待白祭事者。乃後服祭服而行事也。案朝服謂皮弁祭服。即下文所謂祭之日。王被袞戴冕也。注於皮弁之王。不以爲非天子。被袞之王。遂謂魯侯。豈一易朝服爲祭服。頓變周王爲魯侯乎。然則王非魯侯。周郊非魯禮。周亦於冬至之月郊天。別無圓丘之祭。圓丘之名。出周官大司樂。於羣經無徵。鄭又謂圓丘祀昊天上帝。見禮記祭法周官大宗伯注。南郊祀感生帝。見禮記大傳禮器郊特牲注。感生帝有五。案六天帝之名。出周官大宰。大宗伯。司服等文。於羣經亦無徵。周官者。劉歆所僞造古文經。以亂真經學者也。鄭君不悟。遂分郊丘爲二祭。謂冬至日祭昊天上帝於圓丘。夏正月祭感生帝於南郊。實則周本無圓丘之祭。亦於建子月郊天。月令云孟春天子以元日祈穀于上帝云祈穀。不言祈穀者。明是二祭。不得以此爲夏正郊天之證。鄭引左氏曰。夫郊祀后稷以祈農事。是故啓墜而郊。郊而後

或曰。用然從郊。

精等文。合爲一祭非也。左氏引啓蟄而郊數語。以爲孟獻子之言。案禮記云。孟獻子曰。正月日至。可以有事於上帝。正與啓蟄而郊之文相遠。豈出一人之言。雜記所云。正足爲左氏正誤。魯禮因之。卽此傳所謂郊用正月上辛者也。何氏云。三王之郊。一用夏正。亦爲緯書所惑。而顯與董仲舒劉向之說相遠。又云。言正月者。春秋之制也。更於經義不合。果爲春秋之制。乃孔子所定。僖公以下。尙不及知。當依夏正之舊制。始卜於周之三月。三卜於五月。四卜於六月矣。何以經文不爾也。

解詁曰。或曰用者。先有事存后稷神也。晉人將有事於河。必先有事於惡池。注云。惡當爲呼。聲之誤也。呼池。惡夷。并州川。齊人將有事於泰山。必先有事於蜚林。注云。蜚林。尾反。又音配。意林云。古配字讀爲妃。故配林。一作蜚林。音相近。魯人將有事於天。必先有事於泮宮。九月郊。尤悖禮。故言用小大盡譏之。以不郊乃譏三望。知郊不得譏小也。又夕牲告牲后稷。當在日上。不得在日下。○疏曰。注以不郊至譏小也。解云。卽傳三十一年夏四月四卜郊不從。乃免牲。猶三望。傳云。猶者何。通可以已也。譏不郊而望祭也。何氏云。譏尊者不食。而卑者獨食也。注又夕牲告牲至日下。解云。言古禮。郊之前日。午后陳其牲物。告牲之

牲于后稷。則知此經宜云。九月用辛丑郊。

○襄公七年夏四月。三卜郊。不從。乃免牲。○十有一年夏四月。四卜郊。不從。乃不郊。○定公十有五年春王正月。雩。鼠食郊牛。牛死。改卜牛。曷爲不言其所食。

解詁曰。据食角。○疏曰。卽成七年春王正月。雩。鼠食郊牛角。改卜牛。雩。鼠又食其角。乃免牛。是也。

漫也。

解詁曰。漫者。徧食其身。下詳災異篇下。

○夏五月辛亥郊。曷爲以夏五月郊。

解詁曰。据魯郊正當卜春三正也。又養牲不過三月。○疏曰。注据魯至正也。解云。卽成十七年傳云。然則郊曷用。郊用正月上辛。何氏云。魯郊博卜春三月。言正月者。因見百王正所當用也。傳三十一年注云。武王既沒。成王幼小。周公居攝。行天子事。制禮作樂。致太平。有王功。周公薨。成王以王禮葬之。命魯使郊。以彰周公之德。非正。故卜三卜。吉則用之。不吉則免牲者。是其魯郊博卜春三正之義也。何氏

必知然者。正以哀元年穀梁傳云。郊自正月至于三月。郊之時。夏四月郊。不時。五月郊。不時之文也。注養牲不過三月。解云。宣三羊傳云。帝牲在于滌。三月。彼注云。滌宮名。養帝牲三牢之處也。謂之滌者。取其蕩滌潔清。三牢者。各主一月。取三月一時。足以充其天牲。是也。

三卜之運也。

解詁曰。連轉也。已卜春三正。不吉。復轉卜夏三月。周五月。得二吉。故五月郊也。易曰。再三瀆。瀆則不告。不得其事。雖吉。猶不當爲也。不舉卜者。從可知。○疏曰。注復轉卜夏三月。解云。猶言轉卜夏之正也。注得二至可知。解云。必知得吉者。正以經有郊文故也。若其不吉。宜言乃免牲。或言乃免牛。乃不郊矣。知其二吉者。正以僖三十一年傳云。三卜。禮也。三卜何以禮。求吉之道三。彼注云。三卜。吉凶必有相奇者。可以決疑。故求吉必三卜也。是其得二吉乃可爲事之義。今此五月而郊。故知得二吉也。云易曰。再三瀆。瀆則不告者。蒙卦彖辭。引之者。欲道魯人瀆卜。故五月非郊之月而得吉。非是。龜靈厭之。不復告其所圖之吉凶故也。云不得其事者。謂

不得其事者。謂不得其事之宜。即五月郊天是也。云雖吉。猶不當爲也者。謂吉凶會以事之善惡爲本。郊非其月。雖吉。亦不得爲。何者。正以靈龜厭之。不復告其吉凶故也。云不舉卜者。從可知者。正以傳三十一年夏四月。四卜郊不從云云。舉卜。今此直言五月辛亥郊。不舉卜者。正以言郊。則知卜吉明矣。故曰從可知。

哀公元年春王正月。雩風食郊牛。改卜牛。夏四月辛巳。郊。

右郊

春秋復始卷三十三

比例類

吳興崔暹

祭禮下

鄭君曰。魯禮。三年喪畢而禘于大祖。明年春。禘于羣廟。自爾以後。五年而再殷祭。一禘一祫。禮記王制周官大宗伯注同。詩玄鳥箋。引一作古者君喪三年既畢。祫於大廟云云。

案春秋文二年八月丁卯。大事于大廟。傳曰。大事者何。大祫也。案新君立之二年。通舊君薨為三年。自是喪畢之年。故鄭云。三年喪畢而禘于大廟也。傳又云。五年而再殷祭。經於僖八年宣八年皆有禘。則前禘當在三年。是即祫之明年。故鄭云。明年。禘于羣廟也。章玄成曰。五年而再殷祭。言壹禘壹祫也。何劭公曰。三年祫。五年禘。案自三年吉禘後。至六年為三年。則祫。至八年為五年。則禘。禘祫皆殷祭。祫為一殷祭。禘為再殷祭。故章相鄭君皆云。五年而再殷祭。言一禘一祫也。時禮孔疏周官賈疏義同。特以其文辭繁故節為此說。然則祫一而禘二。禘二者。吉祭一也。殷祭二也。劉歆賈逵曰。禘祫一祭二名。此古文家言。故與今文家立異。爾說詳郊禘通釋。

鄭君兼通今古文家學。故不爲古文家所蒙。

○文公二年八月丁卯。大事于大廟。躋僖公。大事者何。大禘也。

解詁曰。以言大。與有事異。又從僖八年禘數之。知爲大禘。

大禘者何。合祭也。其合祭奈何。毀廟之主。陳于大祖。

解詁曰。毀廟。謂親過高祖。毀其廟。藏其主于大祖廟中。禮取其廟室窄。以爲死者

炊沐。大祖。周公之廟。陳者。就陳列大祖前。大祖東鄉。昭南鄉。穆北鄉。其餘孫從王

父。父曰昭。子曰穆。昭取其鄉明。穆取其北面尙敬。

未毀廟之主。皆升。合食于大祖。

解詁曰。自外來曰升。

五年而再殷祭。下傳詳兄弟爲後章。

解詁曰。殷盛也。謂三年禘。五年禘。禘所以異於禘者。功臣皆祭也。禘。猶合也。禘。猶

諦也。審諦無所遺失。禮。天子特禘特禘。諸侯禘則不禘。禘則不嘗。大夫有賜於君。

然後禘其高祖。

案三年禘。五年禘者。自三年吉禘後。以六年禘。八年禘推之。當於十一年禘。十三年禘。十六年禘。十八年禘。若又遇夫人之喪。則於夫人吉禘之年起數。不計前此吉禘之年矣。知者。昭十五年二月癸酉。有事于武宮。禘祫志云。魯昭公十一年夏四月。夫人歸氏薨。十三年夏五月大祥。七月而禘。公會劉子及諸侯于平丘。公不得志。八月歸。不及禘。冬。公如晉。明十四年春歸。乃禘。故十五年春乃禘。然則吉禘之年。以後喪除前喪。則知殷祭之年。亦由是而推也。疏於注。又從僖八年禘數之。知爲大禘解云。案僖八年秋七月。禘于大廟。從此以後。三年一禘數。則十一年禘。十四年禘。十七年禘。二十年禘。二十三年禘。二十六年禘。二十九年禘。三十二年禘。文二年禘也。若作五年一禘數。則從僖公八年禘。十三年禘。十八年禘。二十三年禘。二十八年禘。三十三年禘。又五年禘。則文二年非禘年。正當合禘。故知此年大事爲禘矣。是以注云。又從僖八年禘數之。知爲大禘也。案此疏似於注義可通。於經傳不可通。今舉其所言禘祫之年合計之。則僖十一年禘。十三年禘。十四年禘。是四年而三殷祭矣。以下類是。於此傳云。五

年而再殷祭之言不可通。傳八年之禘。自承二年之祫。文二年之祫。自起八年之禘。經於傳二年不言祫。文八年不言禘者。無所譏。故不書。非本不行禘祫之禮也。傳二年之祫。祭閔。文二年之祫。祭僖。疏以文之祫年。承傳之禘年。若再從傳八年禘逆數之。則傳三年禘。莊三十二年禘矣。閔二年非禘年。吉禘亦當先殷祭之禘五年。是年吉禘于莊公。則傳三年不當禘。八年何以有禘耶。於傳八年經禘于大廟之文。又不可通。今案大祫也。注云。又從傳八年禘數之。知爲大祫者。蓋謂從傳八年禘逆數之。則三年吉禘。二年大祫。例以閔二年吉禘。譏其未三年。是年大祫無譏文。義亦可通。不然。則注義於經傳亦不可通者也。姑爲獻疑。以俟知者。

右祫
賾裕志曰。魯傳公以其三十三年冬十二月薨。文公二年秋八月祫。傳喪至此而除。間有閔。積二十一月。少四月。不刺者。有恩也。

○閔公二年夏五月乙酉。吉禘于莊公。其言吉何。言吉者。未可以吉也。

解詁曰。都未可以吉祭。經舉重。不書禘于大廟。嫌獨莊公不當禘。于大廟可禘者。故加吉。明大廟皆不當。○疏曰。注都未可以吉祭。解云。在三年之內。莊公及始祖之廟。皆未可以吉祭。故言都爾。注經舉重。解云。春秋之義。常事不書。有善惡者。乃始錄而美刺之。今既已舉重。特書于莊公。不書于大廟。則嫌莊公一廟獨不當禘。大廟便可禘矣。然莊公卑于始祖。而言舉重者。言三年之內作吉祭之時。莊公最不宜吉。故言舉重。不謂莊公尊于始祖也。

曷爲未可以告。
解詁曰。據三年也。○疏曰。莊三十二年八月。公薨。至今年五月。已入三年之竟。故言據三年也。

未三年也。

解詁曰。禮禘祫從先君數。朝聘從今君數。三年喪畢。遭禘則禘。遭祫則祫。

案此注似違經矣。推何氏之例。文二年之祫。上從僖八年之禘。順數之。則閔二年之禘。亦宜從僖八年之禘。逆數之。若然則僖三年禘。莊三十二年禘。僖五年

禘。二年禘。閔元年禘。則是年禘。禘兩無所遭。何以禘爲。若從閔三年喪畢起禘。禘則何遭禘。遭禘之有。

三年矣。曷爲謂之未三年。三年之喪。實以二十五月。

解詁曰。時莊公薨至是。適二十二月。所以必二十五月者。取期再期。恩倍。漸三年也。孔子曰。子生三年。然後免于父母之懷。夫三年之喪。天下之通喪。禮士虞記曰。期而小祥。曰薦此常事。又期而大祥。曰薦此祥事。中月而禫。是月也。吉祭猶未配。是月者。二十七月也。傳言二十五月者。在二十五月外。可不譏。○疏曰。注所以至三年也。解云。二十五月是再期矣。故曰取期再期矣。父母之喪。倍於期者之恩。正當其禮數。故曰其恩倍矣。言漸三年也者。謂二十五月。漸得三年之竟。故曰漸三年矣。議如得漸二君之遺教。校勘記曰。案議當作義。注禮士至常事。解云。彼注云。小祥祭名。祥。吉也。古文期皆作基。常者。期而祭禮也。古文常爲祥。注又期至祥事。解云。亦彼文。中月而禫。是月也。吉祭猶未配者。解云。亦彼文。彼注云。中。猶間也。禫。祭名也。與大祥間一月。自喪至此。凡二十七月。禫之言澹澹然平安意也。是月是禫月。當四

時之祭月。則祭猶未以某妃配某氏。哀未忘也。

彼注又云。少牢饋食禮。祝祝曰。孝孫某。敢用柔毛。肅其嘉薦。普淪用薦。獻其

于祖伯某。以某妃配某氏。尙。彼疏云。注是月至尙。釋曰。謂是月得禘祭。仍在廢。此月。當四月吉祭之月。則于廟。行四時之祭于廟。而猶未得以某妃配。哀未忘也。引少牢禮者。

證禘月吉祭未配。後月吉。如少牢配可知也。

案此傳亦似違經矣。傳云。三年之喪。實以二十五月。據經。莊公於其三十二年八月薨。至是年五月。僅得二十二月。故未可以吉。然則若於是年八月禘。則可以吉矣。仍在閏之二年。不必至閏之三年。則閏之薨亦在八月。傳亦當於其二年八月禘。不必至三年禘。何以五年而再殷祭之禘。在八年耶。

禘裕志曰。魯莊公以三十二年八月薨。閏二年五月而吉禘。此時慶父使賊殺子般之後。國公心懼於難。務自專成以厭其禍。至二年春。其間有閏。二十一月禘。除喪。此謂早行禘禮。非當禘之月也。夏四月則禘。又即以五月禘。比月大祭。故譏其速者。明當異歲也。

其言于莊公何。

解詁曰。据禘于大廟。不言周公。裕傳公。不言傳公。

未可以稱宮廟也。

解詁曰。時閔公以莊公在三年之中。未可入大廟。禘之于新宮。故不稱宮廟。明皆非也。

曷爲未可以稱宮廟。

解詁曰。据言禘也。

在三年之中矣。

解詁曰。當思慕悲哀。未可以鬼神事之。

吉禘于莊公何以書。譏何譏爾。譏始不三年也。

解詁曰。與託始同義。

○昭公十有五年二月癸酉。有事于武宮。

下經及傳詳所見世大夫卒有葬無葬皆曰章。與禮章。

禘。裕志曰。魯昭公十一年夏四月。夫人歸氏薨。十三年夏五月。大祥。七月而禘。公會劉子及諸侯于平丘。公不得志。八月歸。不及禘。冬公如晉。明十四年春歸。乃禘。故十五年春乃禘。

案左氏亦以是年有事爲禘。與鄭義合。平丘之會。公不見與盟。季孫隱如執。故鄭謂公不得志。致會者。諸侯遂亂反陳蔡。君子不恥不與焉。自是春秋之義。昭公不及知。故歸不及禘也。

右三年喪畢之禘

○僖公八年七月。禘于大廟。用致夫人。

傳詳夫人。篇終章。

禘。裕志曰。閔公二年秋八月。君薨。僖二年除喪而禘。明年禘于群廟。自此之後。五年而再殷祭。六年禘。故八年禘。秋七月。禘于大廟。用致夫人。

○宣公八年夏六月辛巳。有事于大廟。仲遂卒于垂。

傳詳所聞世大夫卒無罪者。日有罪者不日章。喪禮章。

禘。裕志曰。魯文公以其十六年春二月薨。宣二年除喪而禘。明年春。禘于羣廟。自此之後。五年而再殷祭。與僖爲之同。六年禘。故八年禘。經曰。夏六月辛巳。有事于大廟。仲遂卒于垂。說者以爲有事謂禘。爲仲遂卒張本。故略之。言有事耳。

案昭十五年經書有事于武宮。左氏曰。禘于武公。杜氏注經曰。略書有事。爲叔弓卒起也。與禘。裕志云。是年有事謂禘。爲仲遂卒略之。義同。然則文二年傳。大

右五年殷祭之禘

桓公八年春正月乙卯烝烝者何冬祭也春曰祠。

解詁曰。薦尙韭卵。祠猶食也。猶繼嗣也。春物始生。孝子思親。繼嗣而食之。故曰嗣。因以別死生。

夏曰杓。

解詁曰。薦尙麥魚。麥始熟。可釣。故曰釣。

秋曰嘗。

解詁曰。薦尙黍肫。

說文。𦛇面類也。殷注。頤權也。權俗作頤。𦛇史漢作準。高祖隆準。應劭曰。準頤類也。案準者段借字。𦛇其正字。

嘗者。先辭也。

秋穀成者非一。黍先熟可薦。故曰嘗。

冬日蒸。

解詁曰。薦。尚稻稌。烝。衆也。氣盛貌。冬。萬物畢成。所薦衆多。芬芳備具。故曰烝。無牲而祭。謂之薦。天子四祭。四薦。諸侯三祭。三薦。大夫士再祭。再薦。祭於室。求之於幽。祭於堂。求之於明。祭於祔。說文。祔。門內祭先祖所旁也。或作訪。求之於遠。皆孝子博求之意也。大夫求諸明。士求諸幽。尊卑之差也。殷人先求諸明。周人先求諸幽。質文之義也。禮天子諸侯卿大夫。牛羊豕凡三牲。曰大牢。天子元士諸侯之卿大夫。羊豕凡二牲。曰少牢。諸侯之士特豕。天子之牲角。諸侯角尺。卿大夫索牛。○陳立義疏曰。禮王制。祭天地之牛角。薦。宗廟之角。握。賓客之角尺。鄭注。握。謂長不出膚。疏。鄭注。投壺禮云。四指曰扶。扶即膚也。此注止述宗廟禮。故角宜握也。諸侯降一等。故以天子待賓客者。事宗廟。故角尺。索牛者。禮記曲禮云。大夫以索牛。注。索。求得而用之。以祭義云。天子諸侯必有養獸之官。又云。犧。祭牲。必於是取之。故郊特牲云。帝牛必在滌三月。稷牛唯具也。大夫以下卑。無滌養之義。祭時則求諸牲。但擇其中犧者耳。

常事不書。此何以書。譏何譏爾。譏亟也。

案通義云。正月烝。五月復烝。乃所謂烝耳。主禴者在下。不言春烝。則夏烝之烝不見。故傳釋經書兩烝。純爲禴烝。非再禴也。此說是也。解詁云。屬十二月己烝。今復烝也。案下十四年秋八月乙亥嘗。注不云。屬七月己嘗。今復嘗也。則此注橫增一烝。義不可通。禴烝以春夏兩烝。猶禴嘗以御廩災也。詳下。故以通義易之。

烝則禴。禴則不敬。君子之祭也。敬而不驢。

解詁曰。君子生則敬養。死則敬享。故將祭。宮室既脩。牆屋既繕。

校勘記曰。今祭義繕作設。

百物

既備。序其禮樂。具其百官。散齊七日。致齊三日。夫婦齊戒沐浴盛服。君牽牲。夫人奠酒。君親獻尸。夫人薦豆。卿大夫相君。命婦相夫人。洞洞乎。屬屬乎。如弗勝。如將失之。濟濟乎。致其敬也。愉愉乎。盡其忠也。勿勿乎。其欲其饗之也。文王之祭。事死如事主。孝子之至也。

疏則怠。怠則忘。士不及茲四者。則冬不黍。夏不稷。

解詁曰。禮本下爲士制。茲此也。四者。四時祭也。疏數之節。靡所折衷。是故君子合

諸天道。感四時物而思親也。祭必於夏之孟月者。取其見新物之月。裘葛者。禦寒暑之美服。士有公事。不得及此四時祭者。則不敢美其衣服。蓋思念親之至也。故孔子曰。吾不與祭。如不祭。

○夏五月丁丑。烝。何以書。譏亟也。

案何氏以春烝承十二月烝爲亟。愚既據通義正之矣。則何氏於此曰。與上祀同爲亟也。疏以上祀爲春祠。皆非也。

右烝

○桓公十有四年秋八月乙亥。嘗。常事不書。此何以書。譏。何譏爾。譏嘗也。曰。猶嘗乎。御廩災。見上。不如勿嘗而已矣。

解詁曰。當廢一時祭。自責以奉天災也。知不以不時者書。本不當嘗也。案疏曰。周之八月。非夏之孟秋。而反爲嘗。故以不時言之。與注義違。

右嘗

廟室

○文公十有三年秋七月。世室屋壞。世室者何。魯公之廟也。

解詁曰。魯公。周公子伯禽。

周公稱大廟。魯公稱世室。羣公稱宮。此魯公之廟也。曷爲謂之世室。世室。猶世室也。世不毀也。

解詁曰。魯公始封之君。故不毀也。

周公何以稱大廟于魯。

解詁曰。據魯公始封也。

封魯公。以爲周公也。周公拜乎前。魯公拜乎後。

解詁曰。始受封時。拜于文王廟也。尙書曰。用命。賞于祖。是也。父子俱拜者。明以周公之功封魯公也。

曰。生以養周公。

解詁曰。生以魯國供養周公。

死以爲周公主。

解詁曰。如周公死。當以魯公爲祭祀主。加曰者。成王始授其茅土之辭。禮記明堂位曰。封周公於曲阜。地方七百里。革車千乘。蓋以爲有王功。故半天子也。○疏曰。正以天子千里。方百里者百。周公七百里。方百里者四十九。大判言之。故得言半天子矣。

然則周公之魯乎。曰。不之魯也。封魯公以爲周公主。然則周公曷爲不之魯。欲天下之一乎周也。

解詁曰。周公聖人。德至重。功至大。東征則西國怨。西征則東國怨。嫌之魯。恐天下迴心趣鄉之。故封伯禽。命使遙供養。死則奔喪爲主。所以一天下之心于周室。魯祭周公。何以爲牲。周公用白牡。

解詁曰。白牡。殷牲也。周公死。有王禮。謙不敢與文武同也。不以夏黑牲者。嫌改周之文。當以夏辟嫌也。

魯公用騂犂。

解詁曰。騂犂。赤脊。周牲也。魯公以諸侯。不嫌。故從周制。以脊爲差。○疏曰。正以山

齊曰罔。故知駢欄爲赤齊矣。

羣公不毛。

解詁曰。不毛。不純色。所以降子尊祖。

魯祭周公。何以爲盛。周公盛。魯公兼。羣公廩。

解詁曰。盛者。新穀。兼者。冒也。故上一新也。廩者。連新於陳。上財令半相連爾。此謂方祫祭之時。序昭穆之差。○疏曰。注盛者。至新也。解云。正以兼詁爲覆故也。若似周書兼以黃土之類也。然則言周公盛者。謂新穀滿其器。言魯公兼者。謂下故上新。裁可半耳。羣公廩。解云。廩。謂全是故穀。但在上少有新穀。財得相連而已。故謂之廩。廩者。希少之名。是以鄭注周易云。廩。讀如羣公廩之廩者。是也。注謂方至之差。解云。正以若其時祭。粢食精鑿。羣公之饌。一何至此。故知正是祫祭之時。序昭穆之差。所以降子尊祖故也。

世室屋壞。何以書。譏。何譏爾。久不脩也。

解詁曰。簡忽久。不以時脩治。至令壞敗。故譏之。言屋者。重廟。詳錄之。以不務公室。

不月者。知久不脩。當蒙上月。○疏曰。當蒙上月者。謂蒙上秋七月也。不務公室月者。卽定二年冬十月。新作雉門及兩觀。傳云。其言新作之何。脩大也。脩舊不書。此何以書。讓何讓爾。不務乎公室也。何氏云。務勉也。不務公望。亦可施於久不脩。亦可施於不務如公室之禮。微辭也。月者。久也。當卽脩之如諸侯禮。是也。然則彼久不脩。是以書月。此亦久不脩。故知當蒙上月爾。

○成公六年二月辛巳。立武宮。武宮者何。武公之宮也。

解詁曰。在春秋前。

立者何。立者。不宜立也。立武宮。非禮也。

解詁曰。禮。天子諸侯立五廟。受命始封之君立一廟。至於子孫。過高祖。不得復立廟。周家祖有功。尊有德。立后稷文武廟。至於子孫。自高祖已下而七廟。天子卿大夫三廟。元士二廟。諸侯之卿大夫。比元士。二廟。諸侯之士一廟。立武宮者。盛時衰多廢人事。而好求福於鬼神。故重而書之。臧孫許伐齊有功。故立武宮。

○定公元年九月。立煬宮。煬宮者何。煬公之宮也。

解詁曰。春秋前煬公也。

立者何。立者。不宜立也。立煬宮。非禮也。

解詁曰。不日。嫌得禮。故復問立也。不日者。所見之世諱深。使若比武宮。惡愈。故不日。

○哀公三年五月辛卯。桓宮僖宮災。此皆毀廟也。

解詁曰。據禮親過高祖。則毀其廟。○疏曰。出禮祀祭法文。

其言災何。復立也。曷爲不言其復立。

解詁曰。據立武宮言立。

春秋。見者不復見也。

解詁曰。謂內所改作也。哀自立之。善惡獨在哀。故得省文。○疏曰。春秋之義。諸侯內所改作者。但遂其重處一過。見之而已。其餘輕處。不復見之。所以然者。正以哀自立之。還於哀世災之。善惡獨在于哀。故得省文矣。但若襄三十一年公薨于楚宮。不言作楚宮者。正以襄自作之。復襄自薨之。善惡獨在于襄。故得省文之類。云

云之說。在襄三十一年。

何以不言及。

解詁曰。据雉門及兩觀。

敵也。下傳詳
災異篇。

解詁曰。親過高祖。親疏適等。

宮寢

○莊公三十有二年八月癸亥。公薨于路寢。路寢者何。正寢也。

解詁曰。公之正居也。天子諸侯皆有三寢。一曰高寢。二曰路寢。三曰小寢。父居高寢。子居路寢。孫從王父母。妻從夫寢。夫人居小寢。在寢地者。加錄內也。夫人不地者。外夫人不卒。內書薨。已錄之矣。故出乃地。○疏曰。天子諸侯至人居小寢。解云。皆時王之禮矣。若春秋定十五年夏五月壬申。公薨于高寢。僖三十三年冬十二月乙巳。公薨于小寢之屬。是也。然則諸侯有三寢。而薨其內者。是正矣。而文十八年二月丁丑。公薨于臺下。襄三十一年夏六月辛巳。公薨于楚宮之屬。皆爲失處。

而無譏文者。蓋以不在三寢。非禮自見故也。而云父居高寢者。蓋以寢中最尊。若父子並葬之時。父殯于高寢矣。其嗣君亦葬。乃居於路寢。若其孫又葬。則從王父母。小寢所以不言母者。妻從夫寢故也。其夫人若存。定居于寢內之三宮矣。若非有並喪。則三寢之中。科葬其一。而謂路寢爲公之正居者。以其始正之常處也。注在寢地加錄內也。解云。正決外諸侯之卒不地故也。注故出乃地。解云。卽傳元年秋七月戊辰。夫人姜氏葬于夷。是也。

○傳公二十年五月乙巳。西宮災。西宮者何。小寢也。小寢則曷爲謂之西宮。有西宮則有東宮矣。魯子曰。以有西宮。亦知諸侯之有三宮也。下傳詳其義。

解詁曰。西宮者。小寢內室。楚女所居也。詳夫人薨傳公夫人嬖。禮諸侯娶三國女。以楚女居西宮。知二國女於小寢內各有一宮也。故云爾。禮夫人居中宮。少在前。右媵居西宮。左媵居東宮。少在後。

○三十有三年冬十有二月乙巳。公薨于小寢。

案小寢亦正居也。莊三十二年注可互見。

○襄公三十有一年夏六月辛巳。公薨于楚宮。

解詁曰。公朝楚。好其宮。歸而作之。故名之云爾。作不書者。見者不復見。○疏曰。注公朝至云爾。解云。正以上言公如楚。公至自楚。下言公薨于楚宮。故云。朝楚。好其宮。歸而作之。故名楚宮。

○定公二年夏五月壬辰。雉門及兩觀災。其言雉門及兩觀災何。

解詁曰。据桓宮傳。宮災。不言及。不但問及者。方於下及。問其文問之。故先俱張本於上。

兩觀。微也。

解詁曰。雉門兩觀。皆天子之制。門爲其主。觀爲其飾。故微也。

然則曷爲不言雉門災。及兩觀。主災者。兩觀也。

解詁曰。時災從兩觀起。

主災者兩觀。則曷爲後言之。

解詁曰。据欲使言兩觀災。及雉門。若言宋督弑其君與夷。及其大夫孔父。

不以微及大也。

下傳詳
災異篇。

○十有五年夏五月壬申。公薨于高寢。

案高寢亦正居也。見莊三十二年注。

營造

○莊公二十有八年冬。築微。大無麥禾。冬既見無麥禾矣。曷爲先言築微而後言無麥禾。諱以凶年造邑也。

解詁曰。諱使若造邑而後無麥禾者。惡愈也。此蓋秋水所傷。就築微下俱舉水。則嫌冬水。推秋無麥禾。使若冬水所傷者。但言無麥禾。則嫌秋自不成。不能起秋水。因疾莊公行類同。故加大。明有秋水也。此夫人淫佚之所致。○疏曰。此蓋至秋水。解云。既言無麥。是建未之前事。故知秋水所傷也。若其經云。冬築微。大水。無麥禾。卽大水在冬下。嫌是冬水矣。則嫌推尋此秋無麥禾之事。若使冬水傷殺之者矣。若不言大。而但言無麥禾。則嫌此秋但地氣不養。而麥禾不成。不能起見此秋實有水矣。因欲疾莊公之行。不制夫人。令其陰盛。類同於水。故加大以見之。

○二十有九年春。新延廡。新延廡者何。脩舊也。

解詁曰。舊故也。繕故曰新。有所增益曰作。始造曰築。

脩舊不書。此何以書。

解詁曰。据新宮災後脩不書。○疏曰。即成三年二月甲子新宮災。三日哭於此。以後不見脩作之文。是也。

譏。何譏爾。凶年不脩。

解詁曰。不諱者。繕故功費。差輕於造邑。延廡。馬廄也。○疏曰。上二十八年築微之事。實在大無麥禾後。而在前言之者。諱以凶年造邑故也。然則去年無麥禾。今茲凶歲。而脩廡不諱者。正以功費輕也。

○三十有一年春。築臺于耶。何以書。譏。何譏爾。臨民之所漱浣也。

解詁曰。無垢加功曰漱。去垢曰浣。齊人語也。譏者。爲瀆下也。禮。天子外屏。諸侯內屏。大夫帷。士簾。所以防泄慢之漸也。禮。天子有靈臺以候天地。諸侯有時臺以候四時。登高遠望。人情所樂。動而無益於民者。雖樂不爲也。四方而高曰臺。○築臺于薛。何以書。譏。何譏爾。遠也。

解詁曰。禮。諸侯之觀不過郊。

○秋。築臺于秦。何以書。譏。何譏爾。臨國也。

解詁曰。言國者。社稷宗廟朝廷皆爲國。明皆不當臨也。臨社稷宗廟則不敬。臨朝廷則泄慢也。

○僖公二十年春。新作南門。何以書。譏。何譏爾。門有古常也。

解詁曰。惡奢泰。不奉古制常法。

○文公十有六年秋。毀泉臺。泉臺者何。耶臺也。

解詁曰。莊公所築臺于耶。以耶譏臨民之湫浣。

耶臺則曷爲謂之泉臺。未成爲耶臺。

解詁曰。未成時。但以地名之。

既成爲泉臺。

解詁曰。既成。更以所置名之。

毀泉臺何以書。譏。何譏爾。築之譏。毀之譏。先祖爲之。已毀之。不如勿居而已矣。

解詁曰。但當勿居。令自毀壞。不當故毀。暴揚先祖之惡也。築毀讓同。知例皆時。○

疏曰。注言知例皆時者。正以此經文承月。經春秋八月辛未。起夫人姜氏薨。故如此解。

○定公二年冬十月。新作雉門及兩觀。其言新作之何。

解詁曰。据俱一門兩觀如故常。上經夏五月壬辰。雉門及兩觀災。○疏曰。正以所作與舊俱一門兩

觀。與故常無異。何言新作之乎。

脩大也。

解詁曰。天災之。當減損如諸侯制。而復脩大。僭天子之禮。上吳注。雉門兩觀。皆天子之制。故言新

作。以見脩大也。○疏曰。莊二十九年新延廡。注云。繕故曰新。有所增益曰作。然則

此言新者。見其料理舊牆。言作者。見其增益新木。皆是遠大於諸侯之義。故言新

作。以見其脩大矣。

脩舊不書。此何以書。

解詁曰。据西宮災。脩舊不書。○疏曰。在僖二十年。

譏。何讓爾。不務乎公室也。

解詁曰。務。勉也。不務公室。亦可施於久不脩。亦可施於不務如公室之禮。微辭也。月者。久也。當即脩之。如諸侯禮。○疏曰。卽文十三年傳。世室屋壞。何以書。譏何譏。爾。久不脩也。何氏云。簡忽。久不以時脩治。至今壞敗。故譏之。然則此文不務公室者。亦可以見魯人簡忽。五月有災。十月乃作之。義。故云。亦可施於久不脩也。云月者。久以者。正以莊二十九年春。新延廡。僖二十年春。新作南門。皆書時。此特月者。譏其久不脩故也。舊云。如天子之門大。不可卽成。故月以久之。

春秋復始卷三十四

比例類

吳興崔適

賦稅

○宣公十有五年秋。初稅畝。初者何。始也。稅畝者何。履畝而稅也。

解詁曰。時宣公無恩信於民。民不冝盡力於公田。故履踐案行。擇其善畝穀最好者。稅取之。

初稅畝。何以書。譏。何譏爾。譏始履畝而稅也。何譏乎始履畝而稅。

解詁曰。据用田賦不言初。亦不言稅畝。

古者什一而藉。

解詁曰。什一以借民力。以什與民。自取其一爲公田。

古者曷爲什一而藉。什一者。天下之中正也。多乎什一。大桀。小桀。

解詁曰。奢泰多取於民。比於桀也。○疏曰。夏桀無道。重賦於人。今過什一。與之相似。若十取四五。則爲桀之大貪。若取二三。則爲桀之小貪。故曰。多乎什一。大桀小

桀。所以不言紂者。略舉以爲說耳。

寡乎什一。大貉小貉。

解詁曰。蠻貉無社稷宗廟百官制度之費。○疏曰。若十四五乃取其一。則爲大貉行。若二十三十乃取一。則爲小貉行。故曰寡於什一。則大貉小貉也。

什一者。天下之中正也。什一行而頌聲作矣。

解詁曰。頌聲者。太平歌頌之聲。帝王之高致也。春秋經傳數萬。指意無窮狀。相須而舉。相待而成。至此獨言頌聲作者。民以食爲本也。夫饑寒並至。雖堯舜躬化。不能使野無寇盜。貧富兼并。雖皋陶制法。不能使疆不陵弱。是故聖人制井田之法。而口分之一。一夫一婦。受田百畝。以養父母妻子。五口爲一家。公田十畝。即所謂什一而稅也。廬舍二畝半。凡爲田一頃十二畝半。八家而九頃。共爲一井。故曰井田。廬舍在內。貴人也。公田次之。重公也。私田在外。賤私也。井田之義。一曰無遺地氣。二曰無費一家。三曰同風俗。四曰合巧拙。五曰通財貨。因井田以爲市。故俗語曰。市井。種穀不得種一穀。以備災害。田中不得有樹。以妨五穀。還廬舍種桑。種雜菜。

畜五母雞。二母豕。瓜果種蠶。女工蠶織。老者得衣帛焉。得食肉焉。死者得殯焉。多於五口。名曰餘夫。餘夫以率受田二十五畝。十井共出兵車一乘。司空諱別田之高下善惡。分爲三品。上田一歲一墾。中田二歲一墾。下田三歲一墾。肥饒不得獨樂。墾墾不得獨苦。故三年一換土易居。財均力平。兵車素定。是謂均民力。疆國家。在田曰廬。在邑曰里。一里八十戶。八家共一巷。中里爲校室。選其耆老有高德者。名曰父老。其有辯護伉健者。爲里正。皆受倍田。得乘馬。父老比三老孝弟官屬。里正比庶人在官吏民。春夏出田。秋冬入保城郭。田作之時。春父老及里正旦開門。坐塾上。晏出後時者不得出。莫不持樵者不得入。五穀畢入。民皆居宅。里正趨輯績。男女同巷。相從夜績。至於夜中。故女功一月得四十五日。作從十月盡正月止。男女有所怨恨。相從而歌。饑者歌其食。勞者歌其事。男年六十。女年五十。無子者官衣食之。使之民間求詩。鄉移於邑。邑移於國。國以聞於天子。故王者不出牖戶。盡知天下所苦。不下堂而知四方。十月事訖。父老教於校室。八歲者學小學。十五者學大學。其有秀者。移於鄉學。鄉學之秀者。移於庠。庠之秀者。移於國學。學於

小學諸侯歲貢小學之秀者於天子。學於大學。其有秀者。命曰造士。行同而能偶。別之於射。然後爵之士。以才能進取。君以考功授官。三年耕。餘一年之蓄。九年耕。餘三年之積。三十年耕。有十年之儲。雖遇唐堯之水。殷湯之旱。民無近憂。四海莫不樂其業。故曰頌聲作矣。○疏曰。注云是故聖人制井田之法。而口分之一。夫一婦受田百畝。云云以下。皆是時王之制。云井田之義。一曰無泄地氣者。謂其冬前相助犁。云二曰無費一家者。謂其田器相通。云三曰同風俗者。謂其同耕而相習。云四曰合巧拙者。謂其治耒耜。云五曰通財貨者。謂井地相交。遂生恩義。貨財有無。可以相通。云因井田以爲市。故俗語曰市井者。古者邑居。秋冬之時。入保城郭。春夏之時。出居田野。既作田野。遂相交易。井田之處。而爲此市。故謂之市井。云里正旦開門。坐塾上者。卽鄭注學記曰。古者仕焉而已者。歸教於閭里。朝夕坐於門。門側之堂。謂之塾。是也。

○成公元年三月。作丘甲。何以書。譏何譏爾。譏始丘使也。

解詁曰。四井爲邑。四邑爲丘。甲。鎧也。譏始使丘民作鎧也。月者。重錄之。○陳立義

疏曰。詩疏引服虔云。司馬法云。四邑爲丘。有戎馬一匹。牛三頭。四丘爲甸。甸六十
四井。出長轂一乘。馬四匹。牛十二頭。甲士三人。步卒七十二人。戈楯備具。謂之乘
馬。杜云。此甸所賦。今魯使丘出之。譏重歛。故書。

○哀公十有二年春。用田賦。何以書。譏。何譏爾。譏始用田賦也。

通義曰。魯語曰。季康子欲以田賦。子謂冉有曰。先王制土。藉田以力。而砥其遠邇。
賦里以人。而量其有無。任力以夫。而譏其老幼。於是乎有鰥寡孤疾。有軍旅之出
則徵之。無則已。其歲收田一井。出稷禾秉芻。缶米。不是過也。韋注。其歲。有軍旅之歲也。缶。米也。聘禮曰。十六

斗曰庾。十庾曰秉。秉二百四十斗也。四秉曰筥。十筥曰稷。稷百四十斛也。

五經異義周禮說。有軍旅之歲。一井九夫。百畝之

賦。出米二百四十斛。芻秉二百四十斤。釜米十六斗。謂此田賦也。古者公田籍而
不稅。有武事。然後取其賦。故賦之字。从貝从武。昔伯禽徂征淮夷。芻雙餼糧。郊遂
峙之。田賦之法也。今魯用田賦者。是無軍旅之歲。亦一切取之。厲民甚矣。稅賦本
無其制。故言初。田賦本有其制。特不宜非時用之。故言用。傳例曰。用者。不宜用也。

戎政

○桓公四年春正月。公狩于郎。狩者何。田狩也。

解詁曰。田者。蒐狩之總名也。古者肉食。衣服。捕禽獸。故謂之田。取獸于田。故曰狩。易曰。結繩網以田魚。

春曰苗。

解詁曰。苗。毛也。明當毛物。取未懷任者。按。禮記曰。毛猶親也。玉篇見。都引作種。案說文。種。擇也。

秋曰蒐。

解詁曰。蒐。猶擇也。簡擇幼稚。取其大者。

冬曰狩。

解詁曰。狩。猶獸也。冬時禽獸長大。遺獸可取。不以夏田者。春秋制也。以爲飛鳥未去於巢。走獸未離於穴。恐傷害於幼稚。故於苑囿中取之。○陳立義疏曰。於苑囿中取之者。豫畜於囿。以備祭祀之用。說苑所謂必有參牢者是也。

常事不書。此何以書。譏何譏爾。遠也。

解詁曰。以其地遠。禮諸侯田狩不過郊。○疏曰。十年冬。齊侯衛侯鄭伯來戰于郎。

傳云。郎者何。吾近邑也。三十一年春。築臺于郎。傳云。何以書。禮。何。禮爾。臨民之所
漱浣也。以此言之。則郎爲近邑。言遠也者。蓋以郎邑在郊內。其屬地在郊外。若據
邑言之。則爲近者。據地言之。則爲遠也。故哀十一年左氏郊之戰。禮弓謂之戰于
郎也者。是郎邑在郊內之證也。則此言狩于郎者。據郊外屬地言之。故言遠。是以
此注云。以其地遠。禮諸侯田狩不過郊。下五年大雩之下注云。去國遠狩。是也。
諸侯曷爲必田狩。

解詁曰。据有閑也。○疏曰。卽成十八年。築鹿囿之屬。是也。

一曰乾豆。

解詁曰。一者。第一之殺也。自左驢射之。達於右驢。說文由部。驢。牛身後脾前合革肉也。骨部。脾股外也。驢前也。心中死疾。鮮絜。故乾而豆之。中薦於宗廟。豆。祭器名。狀如盤。天子二十有六。諸公十有六。諸侯十有二。卿上大夫八。下大夫六。士三。

二曰賓客。

解詁曰。二者。第二之殺也。自左驢射之。達於右驢。遠心死難。故以爲賓客。

三曰充君之庖。

解詁曰。充。備也。庖。廚也。三者。第三之殺也。自左驅射之。還於右體。

校勘記曰。集野。體以紹切。案唐書。

禮樂志釋音。

中腸胃。汚泡死。

集野。泡。滯交。切。泡。滯。流也。

遠心死難。故以充君之庖。廚已有三牲。

必田狩者。孝子之意。以爲己之所養。不如天地自然之牲。逸豫肥美。禽獸多則傷五穀。因習兵事。又不空設。故因以搏禽獸。所以共承宗廟。示不忘武備。又因以爲田除害。狩例時。此月者。譏不時也。周之正月。夏之十一月。陽氣始施。鳥獸懷任。草木萌芽。非所以養微。○疏曰。注狩例時。解云。卽莊四年冬。公及齊人狩于郕。僖二十八年冬。天王狩于河陽。是也。注此月者至養肥。解云。在哀十四年。孔子欲夏之孟冬。以爲田狩之月。

○六年秋八月壬午。大閱。大閱者何。簡車徒也。

解詁曰。大簡閱兵車。使可任用而習之。

經義述聞曰。大閱傳曰。大閱者何。簡車徒也。昭八年秋。蒐于紅。傳曰。蒐者何。簡車徒也。十一年大蒐于比蒲。傳曰。大蒐者何。簡車徒也。引之謹案。大閱者何。簡車徒。

也。當作大閱者何。簡車也。徒字涉昭十一年傳而衍也。蒐者何。簡車徒也。當作蒐者何。簡徒也。車字亦涉昭十一年傳而衍也。蓋蒐惟簡徒。大閱惟簡車。大蒐則合車徒而並簡之。故傳分別言之。何注大閱者何簡車也。曰大簡閱兵車。使可任用而習之。但言車而不言徒。則車下無徒字可知。注蒐者何簡徒也。曰徒衆。但言徒而不言車。則徒上無車字可知。桓六年昭八年十一年傳並曰。蓋以罕書也。注曰。比年簡徒謂之蒐。三年簡車謂之大閱。五年大簡車徒謂之大蒐。言簡徒當比年爲之。昭八年之簡徒。非比年也。簡車當以三年。桓六年之簡車。非三年也。簡車徒當以五年。昭十一年之簡車徒。非五年也。是以譏其罕也。漢書刑法志。連帥比年簡徒。原注。徒各本誤作車。卒正三年簡車。原注。車各本誤作徒。羣牧五戰大簡車徒。說與何注同。蓋西漢以來公羊家舊有此說。故漢志及何注皆祖述之。要皆出於傳文之分言簡車簡徒簡車徒也。

何以書。蓋以罕書也。

解詁曰。罕。希也。孔子曰。以不教民戰。是謂棄之。故比年簡徒。謂之蒐。三年簡車。謂

之大閱。五年大簡車徒。謂之大蒐。存不忘亡。安不忘危。不地者。常地也。蒐例時。此日者。桓既無文德。又忽忘武備。故尤危錄。○疏曰。注蒐例時者。昭八年秋。蒐于紅。定十四年夏。大蒐于比蒲之屬。是也。

○莊公八年春。王正月。師次于郎。下歷及傳詳滅鄭甲午。祠兵。祠兵者何。出曰祠兵。

解詁曰。禮。兵不徒使。故將出兵。必祠於近郊。陳兵習戰。殺牲饗士卒。○釋文曰。祠。祭也。○疏曰。何氏之意。以爲祠兵有二義也。一則祠其兵器。二則殺牲享士卒。故曰祠兵矣。

案左氏曰。治兵於廟。禮也。既易祠之聲通字爲治。豈復得依祠字之本義生出廟字乎。是不通文字也。祠兵。上承師次于郎爲文。桓十年傳曰。郎者何。吾近邑也。左氏固曰。有宗廟先君之主曰都。無曰邑矣。郎乃邑也。安得有廟。是不解地名也。二千五百人爲師。凡車三十餘乘。馬百數十匹。馳驟擊刺。又須多展陳地。此豈廟中所能容。是不達廟制也。曲禮曰。外事以剛日。內事以柔日。孔疏。崔靈思云。外事。指用兵之事。內事。指宗廟之事。然則記事戎事。行禮且不同日。而以

治兵於廟爲禮。豈不大達禮意乎。

入曰振旅。

解詁曰。五百人曰旅。

其禮一也。皆習戰也。下傳同上。

解詁曰。言與祠兵禮如一。將出。不嫌不習。故以祠兵言之。將入。嫌於廢之。故以振訊士衆言之。互相見也。祠兵壯者在前。難在前。振旅壯者在後。復長幼。且衛後也。

●襄公十有一年春王正月。作三軍。三軍者何。三卿也。

解詁曰。爲軍置三卿官也。卿大夫爵號大同小異。方据上卿道中下。故總言三卿。○疏曰。作三軍。解云。公羊以爲王官之伯。宜半天子。乃爲三軍。魯爲州牧。但合二軍。司徒司空將之而已。今更益司馬之軍。添滿三軍。是以春秋書而讀之。故曰作三軍。是以隱五年注。禮天子六師。方伯二師。諸侯一師。是其一隅也。何氏之意。以軍與師得爲通稱。而臨時名耳。是以或言軍。或言師。不必萬二千五百人爲軍也。注爲軍至官也。解云。魯人前此止置司徒司空以爲將。下各有小卿二人。輔助其

政。其司馬事者。蓋總監而已。故但有一小卿輔之。今更置中軍司馬將之。亦置二小卿輔助其政。故曰。爲軍置三卿官也。然則問者云。三軍者何也。師答之云。三卿也者。謂言作三軍者。正是置司馬之職。三卿之官。爲軍將也。注卿大至小異。解云。卿大夫者。皆是爵號。但大同小異而已。若總而言之。皆曰卿大夫。若別而言之。乃貴者曰卿。賤者曰大夫耳。如此注者。欲道一卿二大夫。所以總名三卿之意也。注方據至三卿解云。言卿與大夫析而言之。其實有異。而皆謂之卿者。方據上卿言其中下者。遂得卿稱。故得通言三卿也。其二小卿謂之中下者。蓋二者相對有尊卑。若大司馬叙官云。大司馬卿一人。下司馬中大夫。軍司馬下大夫然。作三軍何以書。譏何譏爾。古者上卿下卿。上士下士。

解詁曰。說古制司馬官屬。古者諸侯有司徒司空。上卿各一。下卿各二。司馬事省。上下卿各一。上士相上卿。下士相下卿。足以爲治。襄公委任彊臣。國家內亂。兵革四起。軍職不共。不推其原。乃益司馬作中卿官。踰王制。故譏之。言軍者。本以軍數置之。月者。重錄之。○疏曰。注說古制解云。言古者司馬一官。但上卿一人。下卿一

人。上士一人。下士一人而已。所以簡者。以其事省。不作軍將故也。故古者至爲治解云。何氏之意。知古者但有司徒司空典事者。正以詩云。乃召司徒。乃召司空。不見司馬。故知司馬事省。總監而已。然則司徒卿一人。其大夫二人。司空卿一人。其大夫二人。司馬卿一人。其大夫一人。所謂諸侯之制。三卿五大夫矣。云襄公委任彊臣者。謂三家季孫宿之徒是也。云國家內亂者。謂舉事不由君命。即下十二年遂入運之屬是也。云乃益司馬作中卿官。踰王制。故譏之者。言乃益司馬。謂添益其職內也。作中卿官者。謂於司馬內更作一卿官。尊于小卿。故曰作中卿官也。言踰王制者。謂過于先王舊制。云言軍者。本以軍數置之。求其實。置中卿而言作三軍者。言本所以置此中卿官者。正欲令助司馬爲軍將。將三軍。故曰本以軍數置之。云月者。重錄之者。此事無例。不可相決。但言重失禮。故詳言之。

○昭公五年春王正月。舍中軍。舍中軍者何。復古也。

解詁曰。善復古也。

然則曷爲不言三卿。

解詁曰。据上言作三軍等問。不言軍云卿者。上師解言三卿。因以爲難。五亦有中。三亦有中。

解詁曰。此乃解上作三軍時意。作時益中軍。不可言中軍者。五亦有中。三亦有中。不知何中也。今此据上上三軍。不言中。云三。則益三之中。舍三之中。皆可知也。弟子本据上言作三。難下中不言三也。如師解言本益中。故下言舍中爲其將。復据下中。難上不言中。故解上以解下。如此則下不言三。亦可知也。不言卿者。欲同上下文以相起。傳不足解之者。欲以上解下文。當同。亦可知。月者。善錄之。

案左氏曰。初作中軍。三分公室而各有其一。季氏盡征之。叔孫氏臣其子弟。孟氏取其半焉。及其舍之也。四分公室。季氏擇二。孔疏曰。季氏因叔孫家禍。退之使同於孟孫。獨取其半。然則季氏取孟孫之半以自益。所餘之半。猶自成軍。經何以言舍中軍哉。蓋率他事以相塗附。於經義如風馬牛之不相及也。

○昭公八年秋。蒐于紅。蒐者何。簡車徒也。

案車字衍。詳上桓六年引經義述聞。

何以書。蓋以罕書也。

解詁曰。說在桓六年。

○十有一年夏。大蒐于比蒲。大蒐者何。簡車徒也。何以書。蓋以罕書也。

解詁曰。說在桓六年。

○定公十有三年夏。大蒐于比蒲。○十有四年秋。大蒐于比蒲。

解詁曰。譏亟也。○疏曰。大蒐之禮。五年一爲。若數于此。則書而譏亟。若緩於此。則書而譏罕。上十三年夏。已大蒐于比蒲。今始一年。復行此禮。故曰譏亟也。

隱無王正月

○二年春。○三年春。至二月。

解詁曰。二月三月。皆有王者。

三月有王在下七年。

二月。殷之正月也。三月。夏之正月也。王者

存二王之後。使統其正朔。服其服色。行其禮樂。所以尊先聖。通三統。師法之義。恭讓之禮。於是可得而觀之。

○四年春。王二月。○五年春。○六年春。○七年春。王三月。○八年春。○九年春。○十年。

春王二月。○十有一年春。隱何以無正月。隱將讓乎桓。故不有其正月也。

解詁曰。嫌上諸成公意。適可見始讓。不能見終。故復爲終篇去正月。明隱終無有國之心。但桓疑而弑之。

案元年有王正月者。開宗明義。謂文王之正月。不爲隱公錄也。二年以下。正月有事。但書春。二年五年六年八年九年十一年是也。二月始有事。則書王二月。三年四年十年是也。三月始有事。則書王三月。七年是也。皆無王正月。無正月則并無王。八年春。宋公衛侯遇于垂。解詁曰。無王者。遇在其間。置上則嫌爲事出。置下則嫌無天法。案置上。謂置王於宋公上。則嫌桓王亦與宋公衛侯相遇。置下。謂置王於遇于垂下。屬三月爲句。則嫌與春隔絕。故無正月。則亦無王也。何君發明於八年春者。前此書春。明二月三月無事。二年五年六年是也。書王二月三月。則正月無事。三年四年七年是也。隱將讓乎桓。故不有其正月者。定元年傳云。正月者。正即位也。然則隱元年不書即位。故以後不有其正月也。桓有正月無王。

○三年春正月。

解詁曰。無王者。以見桓公無王而行也。二年有王者。見始也。十年有王者。數之終也。十八年有王者。桓公之終也。明終始有王。桓公無之爾。不就元年見始者。未無王也。二月非周之正月。所以復去之者。明春秋之道。亦通於三王。下文詳○疏曰。注二年至始也。解云。即二年春王正月戊申。宋督弑其君與夷。是也。注十年至終也。解云。即十年春王正月庚申。曹伯終生卒。是也。注十八年至終也。解云。即十八年春王正月。公會齊侯于濼。是也。注不就至始者。解云。元年春王正月初即位之時。自知已篡。戰懼畏討。未敢無王。是以春秋於正月之際。不得見始。須臾之後。還復爲惡。擅易天子之田。俄然無憚。故至二年正月言王以見始。注二月無王。解云。即七年春二月己亥。焚咸丘。十有三年春二月公會紀侯鄭伯云云。十有五年春二月天王使家父來求車之屬。是也。

○四年春正月。○五年春正月。○六年春正月。○七年春二月。○八年春正月。○九年春。○十有一年春正月。○十有二年春正月。○十有三年春二月。○十有四年春正月。

○十有五年春二月。○十有六年春正月。○十有七年春正月。

定有王無正月

○元年春王。定何以無正月。

解詁曰。據莊公雖不書即位。猶書正月。○疏曰。即莊元年經云。元年春王正月。三月。夫人孫于齊。是也。案莊公之經。上有正月。下有三月。今定公亦下有三月。而上無正月。故據之。若然。案隱公之經。亦云元年春王正月。下云三月。公及邾婁儀父盟于昧。亦是上有正月。下有三月。而不據之者。正以隱公所承。不薨于外。且欲讓桓位。非已有。與定公不類。寧得據之。然則桓公戕于齊。昭公卒于外。亦是不類。而得據之者。正以昭公失道。爲臣所逐。終死于外。恥與桓同。故據之耳。

正月者。正即位也。

解詁曰。本有正月者。正諸侯之即位。○疏曰。案隱元年傳云。何言乎王正月。大一統也。何氏云。統者。始也。總繫之辭。夫王者始受命。改制布政。施教於天下。自公侯至於庶人。自山川至於草木昆蟲。莫不一繫於正月。故云政教之始。以此言之。似

書正月者。爲一大統也。而言本有正月者。正諸侯即位者。兼二義故也。何氏云。自公侯以下皆繫正月。即是正月者。正諸侯即位之義。
定無正月者。即位後也。

解詁曰。雖書即位於六月。實當如莊公有正月。今無正月者。昭公出奔國當絕。定公不得繼體奉正。故諱爲微辭。使若即位在正月後。故不書正月。○疏曰。注雖書至正月。解云。依經及傳。正以定公即位在正月之後。故無正月。何氏更言昭公出奔。國當絕。定公不得繼體奉正者。正以書正月。大一統也。明不但一即位而已。且諸侯之法。禮當死位。而昭公不君。棄位出奔。終卒於外。爲辱實甚。論其罪惡。君臣共有。故知魯國之當絕矣。是以何氏消量作如此注。故諱爲微辭者。謂經與傳直作無即位。故無正月之義。其定公當絕之文。沒而不見。故爲微辭爾。

即位何以後。

解詁曰。居正月。正即位。

昭公在外。

解詁曰。昭公喪在外。

得入不得入。未可知也。曷爲未可知。

解詁曰。据已稱元年。○疏曰。得入不得入。未可知也者。解云。謂昭公之喪在外。得入不得入。未可知。不謂据定公之身也。其實定公先在于內。是以上文已稱元年矣。但以君喪未入。未得正行即位禮。是以即位。在正月以後。左氏以爲喪及壞墮。公子宋乃先入者。何氏所不取之。注据已稱元年。解云。謂已稱元年春。似行即位之禮。訖。何言昭公之喪。得入不得入。未可知也。而即位後乎。

在季氏也。

解詁曰。今季氏迎昭公喪而事之。定公得即位。不迎而事之。則不得即位。○疏曰。定公是時。雖以先君之喪未入。未行即位之禮。其實爲君之道已成。是以上文得稱元年春矣。但猶微弱。不敢逆其父喪。故云在季氏也。

案元年者。定公之元年也。下有三月。則元年屬於定公。實在三月以前。非正月而何。至夏六月癸亥。公之喪至自乾侯。戊辰。公即位。但謂行即位之禮耳。然則

定公繼體奉正。實在正月。而經無正月。故下傳謂之微辭耳。左氏謂夏叔孫成子逆公之喪于乾侯。曰。若公子宋主社稷。則羣臣之願也。喪及壞隄。公子宋先入。則是年春君位尙未定。安得稱元年乎。此亦不傳春秋之微也。

定哀多微辭。

解詁曰。微辭。即下傳所言者是也。定公有王無正月。不務公室。喪失國寶。哀公有黃池之會。獲麟。故總言多。○疏曰。定哀多微辭。解云。定哀二君。微辭有五。故謂之多。不謂餘處更有所對。若然。昭與定哀。同是大平之世。所以特言定哀者。昭公之篇。無微辭之事。寧可彊言之乎。注微辭。至是也。解云。謂主人習其讀而問其傳。則未知己之有罪焉爾也。注定至正月。解云。得爲微辭者。實爲昭公出奔。國當絕。定公不得繼體奉正。故無正月。如似卽位在正月之後。是以無正月然。故得謂之微辭。案此與上疏各明一邊。注不務公室。解云。下二年夏五月壬辰。雉門及兩觀災。冬十月。新作雉門及兩觀。傳云。其言新作之何。脩大也。注云。天災之。當減損如諸侯制。而復脩大。僭天子之制。故言新作以見脩大也。脩當不書。此何以書。譏何譏爾。不務乎公。

室也。注云。務。猶勉也。不務公室。亦可施於久不脩。亦可施於不務如公室之禮。微辭也。然則書其新作雉門及兩觀者。主譏其僭天子之禮。傳云。不務公室。亦得助成微辭之義也。喪失國寶。解云。下八年冬。盜竊寶玉大弓。傳云。寶者何。璋判白。注云。不言璋。言玉者。起珪璧琮璜璋五玉盡亡之。傳特言璋者。所以郊事天。尤重也。書大弓者。使若都以國寶書。微辭也。謂之寶者。世世保用之辭也。然則特書大弓者。欲通謂之寶。寶即大弓是。可以世世傳保而金玉之。故謂之寶玉也。注哀公至言多。解云。黃池之會者。即哀十三年夏。公會晉侯及吳子于黃池。傳云。吳何以稱子。吳主會也。吳主會則曷為先言晉侯。不與夷狄之主中國也。其言及吳子何。會兩伯之辭也。不與夷狄之主中國。則曷為以會兩伯之辭言之。重吳也。曷為重吳。吳在是則天下諸侯莫敢不至也。彼注云。以晉大國。尚猶汲汲於吳。則知諸侯莫敢不至也。不書諸侯者。為微辭。使若天下盡會之。而魯侯蒙俗會之者。惡愈是也。連辭為微辭。彼注無之。此破涉於緯家之言。故不錄。

主人習其讀而問其傳。

解詁曰。讀。謂經傳。謂訓詁。主人。謂定公。言主人者。能爲主人。皆當爲微辭。非獨定公。

則未知己之有罪焉爾。

解詁曰。此假設而言之。主人。謂定哀也。假使定哀習其經而讀之。問其傳解詁。則不知己之有罪於是。此孔子畏時君。上以辟尊隆恩。下以辟害容身。慎之至也。○疏曰。主人至焉爾。解云。主人習其讀。謂習其經而讀之也。云而問其傳者。謂問其夫子口授之傳。解詁之義矣。云則未知己之有罪焉爾者。焉爾。猶於是。讀其微辭。意旨難明。雖問解詁。亦未知己之有罪乎春秋。假令讀定元年經而問其傳之解詁云。定何以無正月。正月者。正即位也。定無正月者。即位後也。則無以知其國當絕。定公不得繼體奉正之義。假令讀定公二年經云。新作雉門及兩觀。而問其傳之解詁云。脩舊不書。此何以書。讀。何讀爾。不務乎公室也。正以久不脩理。不以公室爲急務。故書之。無以知其僭天子是也。注此假設而言。至於是解云。當爾之時。未有春秋。故知主人習其經而讀之者。假設而言之也。既未有春秋。而彌言主人。

故云此假設而言之。云主人謂定哀者。正以上言定哀多微辭。下文即言主人習其讀。故知此主人宜指定哀言之也。案注曰。主人。謂定公。又曰。主人。謂定哀也。承上傳之世。定公何從讀之。注此孔子至之至也。解云。此時君還指定哀也。孔子作春秋。當哀公之世。定沒未幾。臣子猶存。故亦畏之。爲之諱惡。恩隆於定哀。故曰。上以諱尊隆恩也。若不迴避其害。則身無所容。故曰。下以辟害容身也。尊君卑己。故生上下之文耳。其傳未行。口授弟子。而作微辭以辟其害。亦是謹慎之甚。故曰。此慎之至也。

無事書首時

○隱公六年。秋七月。此無事。何以書。春秋雖無事。首時過則書。

解話曰。首。始也。時。四時也。過。歷也。春以正月爲始。夏以四月爲始。秋以七月爲始。冬以十月爲始。歷一時無事。則書其始月也。

首時過則何以書。春秋編年。四時具。然後爲年。

解話曰。明王者當奉順四時之正也。尙書曰。欽若昊天。歷象日月星辰。敬授民時。是也。有事不月者。人道正則天道定矣。末二句義未詳。

夏五無月

○桓公十有四年。夏五。鄭伯使其弟語來盟。夏五者何。無聞焉爾。

夏以五月首時

○莊公二十有二年。夏五月。

解詁曰。以五月首時者。莊公取仇國女。是年冬。公如齊納幣。不可以事先祖。奉四時祭祀。猶五月不宜以首時。○陳立義疏曰。案夏爲盛陽。而以五月首時。著陽失正。

去夏

●桓公十有七年。二月丙午。公及邾婁儀父盟于趙。○五月丙午。及齊師戰于奚。

解詁曰。夏者。陽也。月者。陰也。去夏者。明夫人不繫于公也。此戰蓋由桓公曰。同非吾子云爾。○疏曰。莊元年傳云。公曰。同非吾子是。然則夫人姜氏三年至魯。六年九月。莊公乃生。桓公何云。同非吾子。蓋夫人譖之也。或云。蓋在齊之日。已共私通。魯侯知之。悼恨之言耳。

案夫人譖公。在明年如齊後。此時齊侯何由知之。蓋此戰或由夫人致之。積怨

之由。與公曰。同非吾子之言相類。故何氏推此以通之耳。

去秋冬

●桓公四年夏。天王使宰渠伯糾來聘。○五年春正月。

解詁曰。下去二時省。桓公無王而行。天子不能誅。反下聘之。故爲貶。見其罪。明不宜。○陳立義疏曰。案隱七年。天王使凡伯來聘。注云。書者。喜之也。古者諸侯有較德。殊風異行。天子聘而問之。今桓公無王而行。王法所當誅。今反下聘。實罰乖方。有春夏而無秋冬之象也。

去冬

●成公十年。秋七月。○公如晉。

解詁曰。如晉者。冬也。去冬者。惡成公前既怨懣。不免牲。延年夏四月。五卜郊不從。乃不郊。其言乃不郊何。不免牲。故言乃不郊。今復如晉。過郊乃反。遂怨懣。無事天之意。當絕之。○疏曰。注過郊至之意。解云。謂明年三月。公至自晉。是過郊乃反。是其無事天之意。注當絕之。解云。當合絕之。不可爲魯侯矣。

●昭公十年九月。叔孫舍如晉。葬晉平公。○十有二月甲子。宋公戌卒。

解詁曰。去冬者。蓋昭公取吳孟子之年。故貶之。

通義曰。謹案此公羊師說相承。必有所受。坊記曰。魯春秋去夫人之姓曰吳。謂書夫人至自吳。不書姬氏。是不修春秋文如是。君子修而削之矣。蓋事在是冬。十月。或十一月。不存其事故。亦不存其月。若移冬于十有二月之上。則諱意不顯。春秋之爲諱也。沒其文而不沒其實。必有所託以見端云。

●定公十有四年秋。齊侯宋公會于洮。至邾婁子來會公。○城莒父及鄆。

解詁曰。去冬者。是歲。蓋孔子由大司寇攝相事。政化大行。粥羔豚者不飾。男女異路。道無拾遺。齊懼北面事魯。饋女樂以間之。定公聽季桓子受之。三日不朝。當坐淫。故貶之。春秋歸女樂不書者。本以淫受之。故深諱其本文。三日不朝。孔子行。魯人皆知孔子所以去。附嫌近害。雖可書。猶不書。或說無冬者。坐受女樂。令聖人去冬。陰臣之象也。疏解或說曰。蓋不修春秋已無冬字。孔子因之。若然。則與前去夏去秋去冬。皆爲孔子所脩而去之者。與例獨違。豈說非也。通義曰。雖諱而削其事。事繫于冬。故去冬以起之。

日不繫月

●僖公二十有八年冬。天王狩于河陽。○壬申。公朝于王所。傳詳五霸。篇晉文章。

解詁曰。不月而日者。自是諸侯不繫天子。若日不繫於月。

非此月日

●成公十有七年十有一月。公至自伐鄭。○壬申。公孫嬰齊卒于狸軫。非此月日也。曷爲以此月日卒之。

解詁曰。据下丁巳朔。知壬申在十月。下經十有二月丁巳朔。日有食之。

待君命。然後卒大夫。曷爲待君命。然後卒大夫。

解詁曰。据昭公出奔。卒叔孫舍。○疏曰。即昭二十五年九月己亥。公孫于齊。冬十月戊辰。叔孫舍卒。二十二年冬十二月。公薨于乾侯。是也。

前此者嬰齊走之晉。

解詁曰。不書者。以爲公請。除出奔之罪也。○疏曰。其請公者。謂上沙隨時也。是年秋。公

會晉侯。齊侯衛侯宋華元。邾婁人于沙隨。不見公。

公會晉侯。將執公。嬰齊爲公請。公許之。反爲大夫。歸至于狸軫而卒。

解詁曰。十月壬申日。

疏據十二月丁巳朔。則壬申爲十月十六日。

無君命。不敢卒大夫。

解詁曰。國人未被君命。不敢使從大夫禮。

公至曰。吾固許之。反爲大夫。

解詁曰。許反爲大夫。卽受命矣。

然後卒之。

解詁曰。善其不敢自專。故引其死日。下就公至月卒之。起其事。所以激當世之驕臣。

●十有八年春王正月。晉殺其大夫胥童。○庚申。晉弑其君州蒲。

解詁曰。日者。二月庚申日。上繫於正月者。起正月見幽。二月庚申日死也。厲公狠

殺四大夫。

上年十二月。殺其大夫郤緡郤

州郤至。并是年殺胥童爲四。臣下人人恐見及。以致此禍。故日起其事。深

爲有國者戒也。○疏曰。注日者至申日。解云。正以文十八年傳云。稱國以弑者衆

弑君之辭。注云。例皆時。而此書曰。故解之。知庚申二月日者。以上十二月丁巳朔言之也。去年十二月丁巳朔。則知今年二月丙辰朔也。何者。以長曆推之。此非杜預之長曆。今年正月小故也。二月丙辰朔。則庚申爲二月五日矣。正月之中。寧得有之乎。注上繫至死也。解云。春秋說云。厲公獵殺四大夫。臣下人人恐見及。正月幽之。二月而死。是也。

案左氏文。上有閏月。則庚申在正月。非也。淮南子時則訓曰。晉厲公戮殺大臣。明年。出游匠麗氏。樂書中行偃劫而幽之。三月而死。疑三月乃二月之誤。卽不然。自幽至死不同月。亦可證成何義。以上通經義。何者。稱國以弑例不月。此月且日故也。可見此注實西漢經師之舊說。淮南子可證。春秋說亦猶是也。古文家言上年有閏。不足信也。

閏月

○文公六年閏月。不告月。猶朝于廟。不告月者何。不告朔也。

解詁曰。禮。諸侯受十二月朔政於天子。藏于大祖廟。每月朔朝廟。使大夫南面奉

天子命。君北面而受之。比時。使有司先告朔。謹之至也。受於廟者。孝子歸美先若。不敢自專。言朝者。緣生以事死。親在。朝朝莫夕。已死。不敢瀆鬼神。故事必于朔者。感月始生而朝。

曷爲不告朔。

解詁曰。据俱月也。

天無是月也。閏月矣。何以謂之天無是月。非常也。

解詁曰。所在無常。故無政也。

通義曰。非年年常有之月也。十二月各有其政。著于明堂月令。閏月非常月。則無常故。故頒朔不及也。頒朔不及。則告朔亦不及也。

猶者何。通可以已也。

解詁曰。朝者。因視朔政爾。無政而朝。故加猶。不言朔者。閏月無告朔禮也。

案傳三十一年夏四月。四卜郊不從。乃免牲。猶三望。傳云。猶者何。通可以已也。定八年夏六月辛巳。有事于大廟。仲遂卒于垂。注云。日者。不去樂也。書有事者。

爲不去樂張本。經又云。壬午。猶繹。萬人去箒。傳云。猶者何。通可以已也。與此猶者何。通可以已也。文同。惟猶三望。并四卜郊。議其可已而不已爲通。猶繹。并有事。議其可已而不已爲通。猶朝于廟之可以已。雖亦并告月爲通。然不告月。則朝于廟。議不告月無議。左氏曰。閏月不告朔。非禮也。閏以正時。時以作事。事以厚生。生民之道。於是乎在矣。不告閏朔。棄時政也。何以爲民。若然。則議不告月而不議猶朝于廟。例以經書猶三望。猶繹之猶。於義豈可通乎。說文王部。閏下說解曰。餘分之月。五歲再閏也。告朔之禮。天子居宗廟。閏月居門中。从王在門中。周禮。閏月。王居門中。終月也。段注曰。周禮大史。閏月。詔王居門終月。注謂路寢門也。鄭司農云。月令十二月分。在青陽明堂。總章立堂。左右之位。惟閏月無所居。居於門。故於文。王在門。謂之閏。玉藻。天子立端而朝。日於東門之外。聽朝於前門之外。閏月。則闔門左扉。立於其中。然則閏月無政。故不告朔。左氏以不告閏朔爲棄時政。不惟不傳春秋。亦不達禮文。不知政體矣。

●襄公二十有八年十有二月甲寅。天王崩。○乙未。楚子昭卒。

解詁曰。乙未與甲寅。相去四十二日。蓋閏月也。葬以閏數。卒不書月。正取期月。明期三年之喪。始死。得以閏數。非死月。不得數閏。○疏曰。哀五年閏月。葬齊景公。傳云。閏不書。此何以書。注云。據楚子昭卒。不書閏。傳云。喪以閏數也。注云。謂喪服大功以下諸喪。當以閏月爲數。傳又云。喪曷爲以閏數。注云。據卒不書閏。傳云。喪數略也。注云。略猶殺也。以月數恩略。故并閏數。然則大功以下。以月爲數。故得數之。故此注云。葬以閏數。云卒不書閏者。正取期月者。以其取期月。故不得書閏矣。何者。以閏非正月故也。以此言之。明期三年之喪。始死在閏月。得數之。何者。正以閏月者。前月之餘。故得繼前月言之。若閏不在始死之月。則不得數之。何者。期三年皆以年計。若通閏月數之。則不滿期三年故也。

案杜預曰。十二月無乙未日。誤。長曆是年不置閏。屈經從己。此可見其長曆之不足信已。

●哀公五年秋九月癸酉。齊侯處曰卒。○冬。叔還如齊。○閏月。葬齊景公。閏不書。此何以書。

解詁曰。据楚子昭卒。不書閏。

喪以閏數也。

解詁曰。謂喪服大功以下諸喪。當以閏月爲數。○疏曰。此喪。謂喪服也。謂爲之服大功以下喪服者。皆以閏數之。謂九月五月三月之喪。既是數月之物。故得數閏以充之。是以葬亦書閏矣。何者。葬亦數月之物故也。

喪曷爲以閏數。

解詁曰。据卒不書閏。○疏曰。此喪亦喪服大功以下者。

喪數略也。

解詁曰。略猶殺也。以月數。恩殺。故并閏數。

案隱三年八月庚辰。宋公和卒。十二月癸未。葬宋繆公。何氏曰。禮諸侯五月而葬。故齊景公卒於九月。至閏月。爲五月而葬。古者置閏皆於十二月。左氏所云。歸餘於終也。